

CBETA電子佛典集成

CBETA Chinese Electronic Tripitaka Collection
ebook

D30n8889

教相樞要鈔

日本 釋高範撰

中華電子佛典協會

目次

- 、 [編輯說明](#)
- 、 [章節目次](#)
 - [第一重下](#)
 - [第二重下](#)
 - [第三重下](#)
 - [第四重下](#)
 - [第五重下](#)
 - [第六重下](#)
 - [第七重下](#)
 - [第八重下](#)
 - [第九重下](#)
 - [第十重下](#)
 - [三重玄義下](#)
 - [法事讚下](#)
 - [觀念法門下](#)
 - [般舟讚下](#)

- [論註下](#)
- [安樂集下](#)
- [群疑論下](#)
- [往生要集下](#)

， [卷目次](#)

- [1](#)
- [2](#)

， [贊助資訊](#)

編輯說明

- 本電子書以「CBETA 電子佛典集成 Version 2018」為資料來源。
- 漢字呈現以 Unicode 2.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 service@cbeta.org 回報。
- [版權所有](#)，歡迎自由流通，但禁止營利使用。

教相樞要鈔上

第一重下

言教相者非是教興教相教相亦非教相行儀教相其故教興教相教相局序分義教相行儀教相是亦局四帖疏故今此教相大師所造中除禮讚其外四部八卷及論註安樂集群疑論往生要集皆云教相故所言教者佛教亦言相者探佛教意人師釋之故云教相妙玄一云教者聖人被下之言也相者分別同異也(已上)。

第一重者十重教相玄義七門文句三卷次第也但以散善義為第一重宗義本據故天台釋宗者依所依經名法華宗依能弘人號天台宗大師所造三大部中玄義釋法華題名一經大綱文句述如是已下一經始終智者大師於光州大蘓山證發法華三昧宣此道場開悟旨於止觀一部止觀一云此之止觀天台智者說已心中所行法門(已上)。

玄義文句釋所依經故名法華宗止觀判大師旨故號天台宗三部中以止觀為一宗正意故云天台釋宗宗密圓覺疏云天台修行宗於止觀大原云真言

止觀皆是顯天台釋宗幸與修多羅合者修多羅佛教也止觀一部智者大師說己心中所行法門處處引證經論幸是符合己心故云幸與修多羅合阿毘達磨等者梵阿毘達磨新翻對法起信論義記云簡擇法相分明指掌如對面見故云對法(已上)。

此之對法如來所說經律論中即論藏也菩薩所造論亦攝阿毘達磨藏凡經藏中隨機設教若佛論藏若菩薩論直從法相說於實義故俱舍論云素怛覽言因別意趣阿毘達磨依法相說(已上)。

但今阿毘達磨菩薩論藏也引論宗故論師加見功等者註記云經略唯說十三論廣觀二十九此乃論主加顯功也(已上)。

記雖云加顯今依加見且明論宗菩薩造論通達經旨自加知見俾人辨知諸經同異故云加見等廣百論云為除空見說諸法有為除有執多說空經若空若有皆是教門(已上)。

此是提婆論師加見百論即是三論隨一自餘論宗隨應可知真言華嚴等者如第五重淨土宗是經宗者天親所造攝論說唯願別時意弘通攝論人不解論意云下下品念佛別時意而順次不往生大師為破此錯玄義引彌陀經諸

佛證誠云今既有斯聖教以為明證又云寧傷今世錯信佛語不可執菩薩論以為指南(已上)。

斯乃引小經以破通論家錯立念佛往生實說故云經宗宗義立破者散善義釋深信佛語故云宗義言立破者破於彼錯立此真實故云立破論藏者攝論也凡小論者玄義云凡小之論乃加信受(云云)文意為破通論家錯且以攝論下凡小論其實非斥菩薩論此是問[前-別+合]法一家若會攝論時通論家猶不用之者應致此難也言凡小者天親論主是內凡位故名為凡望佛大人故名為小菩薩等不相應教者散善義云不可信用菩薩等不相應教(云云)此釋凡小論意同若合等者散善義云佛印可者即隨順佛之正教矣此釋意也實菩薩說等者天親即是千部論主豈是有錯攝論說唯願別時意不違佛教自本唯願是別時意願行具足得往生故得文大旨等者得三宗大意不闡諸宗根元因由也釋籤六云若得文大旨則不矚元由矣釋唯局自宗等者用人師釋局自宗也論有自他宗用不用故云取捨依物一乘宗旨不用唯識五性各別法相宗不用佛性論云說無佛性是不了教通用論應知佛經自佗宗非不依用之故會違文也言法華說一切皆成法相宗或會少分一切或會為令不定種姓迴心也又仁王瓔珞等經說凡夫不入報土我宗會對自力斷證機說昇進門等也傍依凡集一代等者釋論一云凡集一代種種諸教有一百億

部(已上)。

梵洛叉此云億也問選擇華嚴法華隨求尊勝等經因明往生是為傍依何今以一代經云淨土傍依耶[前-別+合]傍正之義未必一准三輩念佛篇念佛為正諸行為傍今傍正此意也選擇翻對五種正行以明五種雜行今以一代經為淨土傍依約讀誦雜行選擇云讀誦雜行者除上觀經等往生淨土經已下於大小乘顯密諸經受持讀誦悉名讀誦雜行(已上)。

問立淨土宗義依二者深心今依一代經立淨土宗義亦可云依深心耶[前-別+合]然也大師釋云就行立信者然行有二種一者正行二者雜行(已上)。

依一代經立淨土宗義依雜行立信釋也問此義不明下云文中所釋三心全是念佛三心何今云依一代經立淨土宗義依雜行立信釋乎[前-別+合]此難甚非也雜行立信釋非文中乎但云文中所釋三心全念佛三心約一家正意雜行立信大師傍意故云傍依凡集等也問下判大師御意深心一句收觀經一部不釋深心一句收一代經何依一代經云立淨土宗義耶[前-別+合]深心一句收觀經一部者約佛隨自意大師正意故下云自深心釋出念佛一宗即此義也今依一代經立淨土宗義約隨他雜行也就之有總依一代別依三經等三重傳若指翻譯將來等者此是上上品讀誦大乘亦是雜行也上傍

依一代廣通大小乘經今狃局大乘經也選擇云就翻譯將來之經而論之者乃至顯密大乘經總六百三十七部二千八百八十三卷也皆須攝讀誦大乘之一句(已上)。

大師釋云等者讀誦正行釋也上來讀誦雜行讀誦大乘讀誦正行次第相連所以宗義立處讀誦正行中別依觀經故(云云)一有緣經故等者如鎮西宗要一但宗要第三由引證定祈願靈驗斯乃三昧發得功故正一家大師三昧發得在從證定祈願已前凡於定中或見光明或見淨土或見佛身是則名為三昧發得新修傳云觀想忘疲已成深妙便於定中備觀寶閣瑤池金座宛在目前(已上)。

是正大師三昧發得也深心一句者決定深信一念十念定得往生深信心收觀經一部觀經一部唯念佛故如來在世有信心人等者對信心人佛說此經即是從信此經開也凡觀經一部等者佛意雖欲唯說念佛隨機一往說定散門選擇云隨他之前暫雖開定散門隨自之後還閉定散門一開已後永不閉者唯是念佛一門(已上)。

正雜助正等者是會伏難言上云二百餘行廣釋偏念佛安心今亦云所信法唯是念佛若尔者何釋就行立信下正雜二行助正二業耶也通意正雜助正

分別因明結歸本願正定信以為本意本願橫三心等者第十八誓三心具足念佛生因是故十方眾生中可有橫豎二機明本願正意雖可通橫豎無一二言故且傳橫三心也非是指三心心體等者是上所引上人觀經私記云上上品有念佛說定善畢即說三心全為說念佛也祖師上人明此佛意釋上上品有念佛也非是以三心即言念佛行心行各別故三心心體者三心即心體強不及捨信欲分別義也雖然性習等者如來說定善竟說三心全為說念佛也雖然機欲不同故於上六品說大小行故云性習不同等性習等義如散記二從佛意之方等者問上廣釋約隨自意觀經一部唯是念佛何今狡云九品之行唯在念佛耶[前-別+合]上約定散隨他念佛隨自義故云觀經一部唯是念佛今約散善隨他念佛隨自義故云九品之行唯在念佛例如等者如來本意在一乘故始於華嚴說一乘法終至法華顯說一乘中間四味三教只是隨他之說非佛本意約佛本意一代唯有一乘妙法之外更無餘法今亦然也約佛本意上上品有念佛從本下下品說念佛中間大小行非如來自說本意約佛本意九品之行唯在念佛矣華嚴初分任佛本意唯說一乘故釋籤一云佛本意在大故遂本居初(已上)。

推字後學寫錯歟機不純熟等者華嚴後分而有小機然彼小機不堪一乘故云不純熟為使小機引入一乘而說四味三教方便調其小機停小乘執故云

調停大機漸熟而到法華令悟實相云授醍醐妙藥也初後佛慧等者開覺實相是名佛慧初者華嚴後者法華利根之人初入佛慧鈍根之機後入佛慧妙玄十云始見我身入如來慧今聞此經入於佛慧初後佛慧圓頓義齊(已上)。

此妙彼妙等者以華嚴圓例上上品三心以法華圓例下下品念佛然法華玄二意彼妙方等般若圓而非華嚴圓但集解上云初頓部有一麁一妙一妙與法華無二無別註云無二者一也無別者同也良以彼妙此妙妙義無殊(已上)。

此乃含今意也文中所釋等者從經云一者至誠心下至亦名迴向也云文中三心問云文中三心全念佛三心不明至誠心下釋一切眾生身口意業所修解行深心下釋說此觀經三福九品定散二善乃至專心念佛及修餘善等迴向心下釋過去及以今生身口意業所修世出世善根尔者如何[前-別+合]釋處處通餘行義但是傍意而非大師正意所以者何文中三心若通餘行何釋三心既具無行不成乃至又此三心亦通攝定善之義乎如唯識云義有異者皆別說之既釋三心既具等能別言知於文中釋出餘行今家傍意明矣上人得釋故之一字等者問宗要四云起行略說者故一字是何今云三國相傳宗義源依二者深心一句乎[前-別+合]一心專念文就行立信釋能信安心所信起行也然師約所信釋起行一字問師約能信判二者深心能所不離故

非相違玄忠西河亦同立等者如要集處釋所云三信等者此三信三不釋讚歎門如實修行然今云三信三不釋我一心論註判是故論主建言我一心以三信三不引合論我一心故云釋天親我一心論十大章初等者十大章中第二起觀生信也論註云起觀生信者此分中又有二重一者示五念力二者出五念門矣記云起觀是起行生信是安心(已上)。

從安心生信開出五念行是今所用也雖云五念行約論主本意唯在讚歎門攝在稱念故論主意從二者深心開出念佛一宗也。

第二重下

旨歸者意趣也施化利生門者佛應機施化隨根利生故名為施化利生門是約能化解義分者眾生隨教解義故云解義是約所化能所共淺故云因分可說發迹入源門者拂除施化利生解義因分蹤跡入佛意源是則名為發迹入源是約所化仰信分者高仰果位轉於解義名仰信分亦約所化凝然常住者法相宗談凝然常住不作諸法故獨空畢竟者出心經秘鍵三論宗談畢竟皆空真空一味故法界圓融者華嚴宗談四種法界圓融故三諦相即者天台宗也六大無礙者真言宗也即身義云六大無礙常瑜伽故即心非佛者佛心宗也馬大師云即心即佛非心非佛矣如此佛教者指上六宗宗宗所談依佛教

故名色者指佛教體所言名者具名句文其名句文者假法相宗意二十四不應假立故所言色者聲也聲色法故是有三義一者佛教以名句文為體唯識論二云名詮自性句詮差別文即是字為二所依(已上)。

二者佛教以聲為體即如來音聲也是名色中色也三者佛教以名句文聲四法為體今略云名色是也維摩經云有以音聲語言文字為佛事(已上)。

非因位分者凡知佛意有四不同凡夫信知三賢學知十地分證知如來究竟知奪而言之非究竟知故云非因位分離名言等者名言思議解行即是因分蹤跡絕離因分蹤跡名發迹入源門佛之密意者佛內證智是名實智如來實心者佛見分心相宗是名根本智也文內妙法等者法華方便品說歎諸佛釋迦權實二智寄言歎二智名文內妙法絕言歎二智號文外之妙寄言歎者經云甚深微妙法難見難可量矣絕言歎者經云是法不可示言辭相寂滅(已上)。

法佛三密等者大日法身所說三密顯教之中等覺十地不能入室故云三密(云云)此等皆立等者指大論等四文云此等皆立等所言大信者涅槃經云大信心者即是如來(已上)。

信中不離解等者下云縱雖不墮覺不覺際離真智頑愚心地修行分齊不可同實迷眾生若不同實迷者何云脫悟解耶(已上)。

即此意也問如何是信中不離解果中修因行[前-別+合]今日為君重漏泄翩翩[歹*爪]鴈下遙天要門內因弘願外緣等者如玄記三引聖勵凡等者釋經三世諸佛淨業正因文也序分義云引聖勵凡但能決定註心必往無疑(已上)。

世戒行三三世諸佛為成佛因故云引聖況生淨土有何疑殆故云勵凡弘願教門等者攝凡夫願謂之攝凡攝聖人願謂之被聖言依本願力凡夫生報土况依本願力聖人生報土有何疑慮乎如是以義分勸勵者約施化利生門能化以道理歸依者約解義分所化直為彌陀等者引凡夫念即生不斷煩惱等顯不墮悟解門改轉凡情斷破煩惱依悟真理故雖云淨土施化利生解義因分不墮悟解門超諸教解義分墮悟解門乃同諸宗果分大信也又佛密意等者玄記三云又佛下至旨趣正明解義教門難曉矣既判解義教門難曉故引解義分也隨機顯益等者雖釋何等為三一句意兼上下兼上者發三種心即便往生是顯三心往生之益故云顯益未說三心是其名義非於顯露故云意密徵者責也自問自徵共是何等為三問起也若但何等為三問起豈是得解三心名義兼下者非何等為三自問一者至誠心等自[前-別+合]何由得解

乎上文云佛密意教門難曉今文云意密難知二文意同雖云解義因分不墮悟解故全當諸宗大信也能令速滿足等者速得成佛也但今單信大信為云無千波万浪義路分別迹判能令速滿足功德大寶海也千波万浪等者分別諸義理知解跡也信得及者信義也彼下頓中漸等者如第四重拔群者拔抽也群眾也抽諸宗義也未斷凡夫出過三界自然悟道密意深奧也碩學者碩大也宏學者宏屋深也大也廣也碩學宏學同是大學匠義也又如次淺深異歟鑛金純金者如下為一明一者勝鬘經為一乘機說一乘法故名為一明一一乘法藏論等者彼論云法華一乘能歸一乘淨土一乘所歸一乘(已上)。

舉教門義理等者是上破難若向義路信得及還是解義分以解義分難還是解義分非但不知單信大信亦不知解義分也宛恰者比物兒如以一重等者關以木橫持門戶也門戶關一重一本然一重局上又一重局豈是中乎非止不知一重局又一重局故一字不打畫者韻會云畫胡麥切徐曰若筆畫之也矣一字一畫也一字不打畫唯白紙所言一字者釋迦出西天末後曰不曾說一字是也古人云三乘教外述文章一字元來不著畫八字無兩弗者今云兩入人天眼目云兩[必-心]八字無[必-心]入兩只曰紙也所言八字者達磨來東土最初云單傳心印不立文字是也其一字八字者本來白紙也人天眼目云八字無兩[必-心]胡僧笑點頭引今此兩句我宗意雖云解義分不墮解會

門解會一點無只本來白紙故同諸教大信本來無事玲瓏八面玲瓏者明貌
從凡解者至名為妙解諸教解義分從以佛智至即是如來諸宗大信從或說
智慧至度量亦是諸教解義分也於中智慧等八字法華譬喻品文上根等八
字菩提心論文如次天台真言意也雖非上智等者問知本願無謬悟名號功
用出世佛法分別何云世情分別乎[前-別+合]本願名號雖出世佛法知本
願無謬解名號功用凡夫分別證悟真理截斷凡夫情量分別然淨土機不改
一毫凡夫念慮故云世情分別智慧解義分乃至可勝彼入源門等者問上云
我宗解義分全當諸宗大信今云我家解義分可勝彼入源門上下相違如何
[前-別+合]上是與釋今正奪釋也雖云我宗意解義分非如諸宗解義分墮
悟解門故與同諸宗大信斯乃上義約諸宗大信脫於悟解今約雖云大信果
分不同實迷故未免悟解此是奪釋也問十方三世諸佛皆以不同實迷我宗
施化發迹共得往生得生已後是亦不同實迷然以不同實迷何為心地修行
過失[前-別+合](云云)縱雖不墮覺不覺等者覺謂悟不覺謂迷真智謂轉凡
入聖智頑愚謂生得凡夫斯乃不墮迷悟不預凡聖也殆者將也覆耳鳴鈴者
類聚云掩耳似盜鈴遍計所執情量者凡夫人執法執唯識論九云妄執實有
我法自性此即名為遍計所執(已上)。

六道賴緣假者賴謂即依賴緣謂即煩惱見惑四惡緣思惑人天緣賴此煩惱

業感生死苦果從本無自性故名賴緣假果德難思等者一明果德難思二明發迹入源初明果德難思者玄記三云又佛下至旨趣正明解義教門難曉(已上)。

大師難曉記主難思意全惟同記主以佛云果位鈔主以佛云果以密意弘深等云德斯乃佛德故其果德者因位難測故云難思記主果位難思鈔主果德難思言異意同次明發迹入源者此是仰信分其仰信分者記云仰惟下至去也正明仰信二佛方便(已上)。

上果德難思下發迹入源上下連續云果德難思發迹入源故記云仰惟等者此明佛意甚深難知教亦難解但雖不知其甚深致釋迦發遣彌陀招喚其文分明唯作仰信定得往生(已上)。

此記雖釋仰惟已下上下連續正明果德難思發迹入源於中此明佛位下至甚深致明果德難思釋迦發遣下正明發迹入源文中唯作仰信者唯簡持義簡去知解持取仰信故云唯作斯乃拂果德難思知解迹歸入仰信果分之源是故但雖可云發迹入源以單信大信云發迹入源故為簡異之上下連續云果德難思發迹入源也問今云三賢十聖弗測所[闕-夫+矢]其理無疑此上果德難思等知果德難思等[尸@句]仰惟已下不通佛密意等乎[前-別

+合]正還愚癡在仰惟等故云此上若如所難於仰惟已下文中指何處云果德難思乎玄記三云又佛密意乃至常樂者自下明果位難思發迹入源何果位難思等云局仰惟已下乎問糲鈔指佛密意弘深云果位難思指教門難曉云發迹入源然今又佛下至旨趣云果德難思以仰惟已下云發迹入源違糲鈔豈當作者意乎[前-別+合]又佛下至旨趣云果德難思以仰惟已下云發迹入源一家釋義記主批判既分明也誰諍之乎然教門難曉解義分而非發迹入源故上我宗解義分同諸教果分證據引又佛密意等但鈔意教門名迹佛意名源教門難曉約佛意源故指教門難曉云發迹入源此猶果位難思分齊而非還愚發迹入源然以教門難曉判發迹入源為顯同諸教果分也例如諸佛同道時云彌陀於諸佛乃佛乃祖等者乃往也乃佛乃祖是凡是聖皆還愚癡生於極樂唯此一事佛祖本懷也解信二字者解謂即是解義因分信謂即是仰信果分拂解義跡歸入仰信是則名為果德難思發迹入源空師辨師等還愚癡具在裏書又所云單信大信者置又隔意果德難思有解信二此機唯信從本無解故云單信問撥解義分跡名發迹入源單信大信無知解迹何由名發迹入源乎[前-別+合]單信之機從本無知解跡名發迹入源如云泯絕機知格外宗風剥盡悟解自然悟道斯乃從本無機知云泯絕自本無悟解云剥盡單信發跡即此意也糲鈔云我宗拂迹入玄者不改最初不變[跳-兆+基]趾不可深思只麼仰信(已上)。

問第十重判二者深心信單信大信果德難思發迹入源門玄義序題門是知以單信大信名果德難思發迹入源門見尔者如何[前-別+合]二機差別如上但至難者一家大師以單信大信釋籠仰惟等文中故述二者深心乃至序題門也如此諸解義等者指常立大信如法修行觀念法門引般舟三昧經云佛告[跳-兆+友]陀和菩薩欲疾得是定者常立大信如法行之則可得也勿有疑想如毛髮許(云云)明此如法修行說勿有疑想勿狐疑等指之云如此諸解義悉是遣疑煩惱教門方便也凡鈔主筆體自非先意人豈當素意乎單直仰信正機者雖有種種念佛往生機以愚鈍念佛為我宗正機也死猫兒等者禪林類聚云曹山本寂禪師僧問世間甚麼物最貴師云死猫兒最貴云為甚麼死猫兒却貴師云無人著價(云云)莫謂等者莫謂唯須四字單信大信也莫論等者莫論意在四字單信大信也淨土門意還愚癡生極樂者糲鈔云還字強不可存意許但准下意拋諸解義分還一文不知愚癡也下云願諸學教人拋諸義理等故四句中第一解解因分因分者初解對實大乘信後解對權大乘信因分因分亦復如是唯解人空故以見思斷為極果故我無塵有者毗曇人空法有也我塵俱無者成實空門人空上破界內法執故第二解信因分果分者所言解者對實大乘信信者對小乘解因分者對實大乘果分果分者對小乘因分談斷十二品無明到妙覺故第三信解果分因分者所言信者對權大乘解解者對我宗信果分者對權大乘因分因分者對我宗果分也[(重-

上) / 衣] 書中高祖上人云等者此詞出上人傳上人傳四十五云檢校別當是出家官故此本可為正歟推傳意補此職人非學匠歟烏帽子者如云幞頭豈是禦天寒烏帽子非是防寒只是為威儀也言不繕威儀義歟。

第三重下

諸宗之習統万行等者華嚴意統法界圓融一法縮順理菩提心一心天台意統一心三觀一法縮無作菩提心一心等也南無二字是歸命者凡於南無有願有行口唱南無唯是行而非是歸命心念南無是云歸命亦云發願心念南無者思助給斯乃歸命也添壽字但是一德等者阿彌陀翻無量壽但局壽命無量一德其外事皆似有量故云非是盡理釋凡三經等或云無量壽或云無量光皆是義翻而非正翻局一德故阿彌陀實翻無量大經云無量覺故相應此無量覺故云天台釋最宜也大師雖存無量正翻且順世情云無量壽義寂云壽命世人所寶重故順世云壽(已上)。

無量名等者名體義用如觀念門下一切有名物皆阿彌陀等者問他流談名號諸法依正不二故万法皆名號與今同異如何[前-別+合]天地猶近彼談名號諸法依正不二故万法當躰全是名號故破邪義今此不然阿彌陀實翻無量無量之詞而無洩物故云一切有名物等其無量者果號三字其万法者

名號所具功德是也故下判無非万法皆無量覺所具即此義也然則等者述柳櫻等無離阿彌陀名體菽葛等悉是阿彌陀相兒明三字所攝万法也五千餘卷是阿彌陀經三世諸佛皆阿彌陀佛者明果號三字功德也平等覺經云十方三世佛一切諸菩薩八万諸聖教皆是阿彌陀(已上)。

是其謂也一代結經者古人釋彌陀經云八万法藏妙肝心一代聖教之結經(云云)又今釋云今言等者上來釋因觀經題名無量壽梵漢相對以六字翻六字今正引釋題名無量壽文故云又今釋大師釋今言無量壽即其義也問無量壽是彌陀別名覺即通號通別雖異俱是人名何云無量壽者是法覺者是人耶[前-別+合]無量壽覺雖俱佛號無量壽是所具之德謂之於法覺能具覺謂之於人能具所具能覺所覺人法顯然又勸進往生論釋無量壽云表法身常住妙德是約本有心德今無量壽者酬壽命無量願無量壽故是約修生佛德也又觀經題名有異本道綽所覽本佛說觀無量壽經天台所覽本佛說觀無量壽佛經大師所覽本佛說無量壽觀經(云云)今人法者七種題中人法也安樂集云今此觀經人法為名佛是人名說觀無量壽是法也(已上)。

是約能說所說分別人法今就所說分人法也問大師就所說云分人法不明一家所覽本所說中無佛字何云覺者是人乎[前-別+合]為顯要行而加三字就此分別人與法也或可由佛自唱題故有即體名等者名體不離義也論

註云名即法者諸佛菩薩名號般若波羅密及陀羅尼章句(已上)。

第四重下

天台因果為宗實相為體者天台觀經疏云大乘經以實相為印為經正體故以實相為此經體矣又云此經以因果為宗以心觀為體(已上)。

十六觀因往生是果名之為宗無生即空而生是假無生而生而生無生即是中道故云心觀一心三觀即是實相故云經體求異一家淨土教門等者大師釋云今此觀門等唯指方立相住心而取境摠不明無相離念也(已上)。

既遮摠不明無相亦表唯指方立相斯乃執心牢固但著有相義也玄忠名號為躰者論註云即以佛名號為經躰矣註記云今經所詮專在佛名故從所詮判為經躰(已上)。

言之所貴曰宗等者問天台與一家分宗體不同玄忠但釋名號為體不分宗體不同有何意乎[前-別+合]人師意樂不同鸞師唯以所詮而為經體斯乃言之所貴為宗宗即體也大猷者大道也韻會云繇夷周切道也通作猷詩下云大猷聖人莫矣實相全名號等者名號實相即相無相理事縱橫實相行皆

是依下所引玄忠釋無生行等者無生涅槃一法異名涅槃經云亦名涅槃亦名無生亦名無為矣大師釋云念佛即是涅槃門矣如來行約人涅槃行約法妙玄四云大經云復有一行是如來行所謂大乘大般涅槃矣又云即人論法如來即涅槃即法論人涅槃即如來(已上)。

古人立法身同體因者求觀十因云一心稱念阿彌陀佛法身同體故必得往生(已上)。

佛法身與眾生法身全是同體以同體故我等行處全如來行等也第一義諦者妙玄八云最上無過故名第一義諦如是等種種異名俱名實相(已上)。

准上來引文第一義諦無生涅槃無為泥洹實相名号往生淨土言異意同云同時勝者性相兩頓共不經劫故云同也勝者有下三重勝十信一万劫者仁王瓔珞起信等意也地前三劫者仁王經意也西河悟真千福者安樂集下云願生淨土隨壽長短一形即至位階不退與此修道一万劫齊功(已上)。

一家如下群疑論四云生彼西方得名為阿鞞[跳-兆+友]致及正定聚(已上)。

此二文下二釋一形十念功當十信一万劫功行證也少許時間等者作者意引依一日七日行登初地證言依一七日行得往生淨土須與剎那頃登歡喜地故望淨土機情云少許時間以娑婆時分而云逕三劫在此穢國送三劫間於彼淨土須與剎那如仙家半日人間七世進入明門歡喜地者本業瓔珞經上說初地云三諦現前常修其心入百法明門所謂十信一信有十為百法明門(已上)。

釋論七引如來藏本識經云十信十信十解十信十行十信十向十信十地十信佛地十信乃至無一一法而非十信(已上)。

今十信者十向十信觀經云得百法明門住歡喜地(已上)。

隨其心淨等者聖道頓證悟時得心淨土淨果報故齊頓生頓淨土頓叶不退得究竟解脫成佛故等頓悟頓故云大同聖道頓猶許斷惑故等者問止觀引淨名經不斷煩惱而入涅槃顯天台圓教旨別本即身義釋不斷煩惱即身成佛揮真言密教宗何今云天台真言許斷惑耶[前-別+合]天台真言以煩惱即菩提為不斷義然釋要鈔以無明即明為真斷惑悟煩惱即菩提是真斷惑豈類我宗有凡夫人煩惱成就不斷煩惱乎煩惱質礙等者大論云若得無生法忍斷一切結使死時捨此肉身(已上)。

涅槃疏云分段質礙煩惱雖盡必須捨報(已上)。

此二文意登初地雖斷盡分段惑捨此肉身而命終故云捨報也今云大論名疏大論如向淨名疏未勘之分段質礙文註記云涅槃疏糲鈔云智度論也隔時道不行者聖道門頓教雖直期成佛生身得忍菩薩必須捨報故云隔時道不行問真言云不捨此身進入佛位天台云六即智斷一生可辨雖然有下機不遮成隔時然不分機上下何云隔時道不行乎所難必須捨報文判別教義以權漸意難實頓宗誰依用之亦者如何[前-別+合](云云)大原問[前-別+合]者第七[前-別+合]云韋提希夫人於第七觀時得大悟無生(已上)。

未斷惑頓壞成斷惑教門無之者問大師釋微塵故業隨智滅靈芝判逮至彼方始論斷證斯乃非未斷惑頓壞成斷惑教門乎[前-別+合]所難二文釋於得生已後之事今立未斷超入之義於淨土門云不斷惑不生報土而無經釋故云未斷惑頓等也選擇集者指天台真言皆雖名頓教文是在上人大經私記然頌義云選擇集彼唯佛一道獨清閑釋如在法事讚般舟讚兩處亦在廣本選擇歟南北者勝劣義也南對北語北奔也軍敗走為北安樂集者集上云我求法時中億億眾生起行修道未有一人得者(云云)次異者異勝義也生身得忍者釋籤一云地身住前為生身登地登住為生身得忍(已上)。

大寂無為者佛果義也仁王經說妙覺云大寂無為金剛藏往生不退至菩提者是判住正定聚願凡不退與菩提雖似有因果異彼願不說經劫故論速得菩提註引此願故處不退即究竟菩提也十地願行自然成者是舉因圓即顯果滿十地願行既是成就乃佛果故為主投化等者玄義意正報難期依報易求投化即易為主即難正報難期者成佛難得如民望國主依報易求者往生易得如民投王化今引之通伏難伏難意成佛難往生易成佛往生既是各別何今云往生外無成佛乎通意云修念佛一行於此穢土得成佛果最難修念佛一行往生淨土而易且建立二門遣凡夫疑煩惱解義分方便實往生外無成佛故須與授記等者問上云大寂無為妙覺果滿今云須與授記十地因滿上下相違如何會之[前-別+合]往生外無成佛云須與授記號無為唯名計也經說者稱讚淨土經也皆令得佛泥洹之道大阿彌陀經文也。

第五重下

諸經起說等者玄義云諸經起說不過五種一者佛說二者聖弟子說三者天仙說四者鬼神說五者變化說今此觀經是佛自說(已上)。

若佛所說等者所引四文皆顯佛自說勝言了教者了是決也佛說決定真實言教故云了教菩薩等說是不決定不真實教故云不了散善義釋佛語決定

了義亦判佛語真實決了義故菩薩等說下為破通論家以攝論名不了教佛是等者佛是正使習氣斷盡故非是疑惑心中語不為一切等者釋不為初地十地破人所破壞信佛語故釋迦如來暫時等者穢土出現應身為本然華嚴法華等為一機一緣於應身上暫時之間現報身儀也佛華圓融者華嚴經具名大方廣佛華嚴經故號佛華說於四種法界圓融故云圓融法慧功德林等者舊譯華嚴五十卷或六十卷七處八會三十四品新譯華嚴八十卷七處九會三十九品也第七重會普光明殿有十一品中第四阿僧祇品與第九隨相品如來說也其外加說初會普賢菩薩說第二會文殊菩薩說第三會法慧菩薩說十住第四會功德林菩薩說十行第五會金剛幢菩薩說十向第六會金剛藏菩薩說十地等也佛力加被六大菩薩令說品品故云加說四十二大菩薩者釋籤十云如華嚴中說十住時有十慧菩薩法慧為首說十行時有十林菩[薩-產+(辛/工)]功德林為首說十向時有十幢菩薩金剛幢為首乃至說十地時有三十六菩薩皆以藏為名金剛藏為首(已上)。

然糵鈔判十慧十林十幢十藏以三十六藏云十藏歟所以十藏中攝無盡義况三十六藏乎五教章中云所以說十者欲顯無盡故矣十慧等四十菩薩加普賢文殊四十二大菩薩也自然無師者因位之時雖依佛教解脫道時不由他悟故云無師而說佛法等者五種說中除佛自說以餘四說云一切世間中

真實者對虛偽善語者對惡語於實善中最勝之語云妙好語餘四種說亦於眾生有利益故入佛法中也如毗尼中說者五教章上如云毘尼者即大乘指大乘經中歟名義集如云毘奈耶或毘尼指律藏中歟印定者印可決定義也古師釋等者妙樂在弘決一穢土出現以劣應身而為境本於丈六上四教機見是各別也三藏教機見丈六佛是劣應身通教機見十里等佛即勝應身別教機見音聲無邊色像無邊此是報身圓教機見無相無礙同法界空是法身也小乘佛等者小乘意依三祇百劫修行今日初見成佛不知無勝教主根本故見無常齊業佛也大乘意無勝教主分身化來知示現三祇百劫因八相成道果故云本知一家釋云釋迦如來真報土清淨莊嚴無勝是為度娑婆分化入八相成佛度眾生(已上)。

非滅現滅者台家之意雖通三身今約應身言之應身即是法報之用體既無滅用豈有滅故云非滅為度眾生方便現滅故云現滅以一漚之力等者是因位施食由施食修因得壽無量果今一漚者是依小因得大果義又最勝王經說釋尊壽量云不害眾生命及施於飲食由斯二種因得壽命長遠果(已上)。

釋迦佛壽命過於億百千劫無數無量故云過於此斯乃顯無限量也諸根悅豫者眼等五根同現喜相名根悅豫今說此經既顯本懷故現悅豫悅者喜也豫者悅也壽量無限姿色不衰故云不變光顏常住亦是不老故云不異定已

究竟慧既[+/(么-么+?)]暢故云究暢定慧無邊故云無極定慧滿足於一切法得自在也於此中下等者緣覺名中聲聞名下於此二中示現入滅故云現滅淨影云亦無所作無因可作亦無所有無果可有言不起者無淨可起言不滅者無染可滅得平等法約理辨證(已上)。

座百寶蓮華者准智論意報身座蓮華雖然所座義一家無判釋序記二云能座佛三身具足之化身(已上)。

斯乃三身相即應身故備啟身德以座蓮華小乘應化儀乎者小乘應化無常之佛今經教主壽命無量後座茅草此座蓮華彼不說淨土此十方淨土現於光臺彼不明十方淨穢多佛此以十方恒沙諸佛為證誠佛說法豈類小乘應化儀乎若准壽命無量座寶蓮華偏可謂報身雖然穢土出現回應身也雖云應身三身相即應身也顯教法身無色無形者問法華說微妙淨法身具相三十二何云顯教法身無色無形耶[前-別+合]法身即是四八相本讓功於本故云具相弘決一云智稱法身故名深達即指法身為諸相本故云法身具三十二(已上)。

密教立法身色形者二教論下引智論云法身佛常放光明常說法(已上)。

放光明者立法身色形證也常說法者明常恒說法文也真言不云融即者問付法傳上釋法報應化躰同用異三身相即義分明也如何[前-別+合]所難是寄顯門意歟若約密宗正意十不同云法華經是釋迦說雖云三身即一於應身上詮法報也胎藏界是法身說雖云三部一體若論其實唯是法身也(已上)。

斯乃應身法身高下分明也權教隔別三身等者疏記九云法定不說報通二義應化定說若其相即俱說俱不說(已上)。

法身內證故云不說自受用身內證不說他受用身對機說法故云通二應局化他故云定說斯乃權教隔別三身若約相即法身即報應故云俱說報應即法身故報應全理故云俱不說此是實教相即三身也所云法身說法等者大日經疏一云薄伽梵即毘盧遮那本地法身次云如來是佛加持身(已上)。

經說教主云薄伽梵疏釋本地法身異本即身義判六大名佛時既名法身依疏本地法身與即身義六大法身真言教主本地六大法身歟但弘法大師二教論上釋自性法身所說秘密真言等問六大法身與自性法身為同為異[前-別+合]六大能生自性法身所生即身義云以六大為能生以四法身三世間為所生(已上)。

自性法身四法身中第一也能生六大十方法界有情非情生佛躰性無有邊際故名六大所生法身具足相好能生六大豈具相好若具相好加持四曼分齊而非能生六大法身相好也加持身說法者大疏鈔一云加持身者是曼荼羅中臺尊此佛名加持身當報身也(已上)。

加持者新譯語也舊云護念即身義云加持者表如來大悲與眾生信心佛日之影現眾生心水曰加行者心水能感佛日名持(已上)。

四曼分齊者一大曼荼羅二二昧耶曼荼羅三法曼荼羅四羯磨曼荼羅也即身義云大曼荼羅謂一一佛菩薩相好身(已上)。

若具相好說法縱使雖名自性法身加持四曼分齊而顯教所談報應二身也華嚴云等者華嚴教主即有二種一者華藏世界根本臺上盧遮那佛是為教主具如糝鈔一者以今日之釋迦如來即為教主俱糝鈔雖云悉達釋迦現本土現遮那非正華嚴於五教章立十異中第三主異者以釋迦佛為彼教主明異三乘教主三身故云主異五教章上云三者主異謂此一乘要是盧遮那十佛身及盡三世間說不同三乘等變化身及受用身等說矣如來一身自有十身故云一躰躰者身義一身一體言異意同不分法報應之三身故云不清涼畧策云如來一身自有十身矣又云分三身名目三乘教內今一乘玄旨一

體不分矣五教章下云非法非報化如別教一乘是十佛故也(已上)。

問妙玄七引像法決疑經云或見報身座蓮華藏世界海為百千億釋迦牟尼佛說心地法門(已上)。

是以梵網教主說報身何云不分三身乎[前-別+合]新譯華嚴說法報不分二三莫辨依五教章二者生身法身也他受用與化身合為生身自受用與法身合名法身也三者法報應也既表十佛境界遮二三莫辨何云報身乎但至像法決疑經者部別見別不須和會定云報身者於華嚴宗定報身不分明但從他宗見之本土教主對自眷屬說心地法門故自受用身也至第二傳教主者他受用身也梵網古迹下釋我今盧遮那方座蓮華臺云此初他受用身傳說此身應第二地戒波羅密此經宗故(已上)。

加之像法決疑經說分明也法華教主或法身者凡以三身配四教時圓教教主即法身故法華教主亦法身也故文句一云隱前三相唯示不可思議如虛空相即圓佛自覺覺他故(已上)。

斯乃釋法華主成就為法身也或報身者淨名疏云若說法華單現尊特(已上)。

所言尊特者報身也集解上云亦名他報又名尊特矣圓覺經疏云他受用報法性尊特矣或三身相即應身者智禮云若聞圓乘必見法身圓見應身皆唯本具矣上二句釋為法身於教主下二句判為應身乎教主云皆唯本具故三身即一應身也次下釋以久遠實成釋迦為教主若此之時約壽量品自受用報身也文句九云此品詮量通明三身若從別意正在報身(已上)。

以教主自己等者古人云諸佛在心頭迷人向外求內懷無價寶不識一生休矣釋迦如來等者法華云我實成佛以來久遠矣斯乃實修實證自受用身然今習入自己證理故云皆在等皆在等者大日經疏三云眾生一念心中有如來壽量長遠之身(已上)。

即此意也心王大日等者異本即身義云毘盧遮那心王餘是心數也矣文意於胎藏界曼荼羅五百尊中中臺大日心王餘四佛等心數曼荼羅此云輪圓具足功德圓滿無闕減故淨土宗旨不尔等者今經教主定三身即一應身有三由一穢上出現面應身故二別以彌陀而為教主釋迦唯是發遣教主故三加之三輩已下為遮三輩九品三賢十地教門權說故欲色二界界番者大經云其四天王及忉利天又云第三燄天乃至色究竟天(云云)此等因順餘方教門實非天非人故若法身等者亦無所作亦無所有等見法身壽命無量座寶蓮華見報身也三身相即應身故備法身德具報身德也。

第六重下

三雙六重四番問[前-別+合]者如玄義并記致請者請問也散善自開等者問散善自開本意念佛何於序分不說名號乎[前-別+合]大功遲成彌陀五劫思惟大善故無左右不說乃至於下上品先說大乘十二部經首題名字且是與機機不逗間於此之時說顯名號大善秘術[宋-木+取]有深意諸佛大悲等者玄義云諸佛大悲於苦者心偏愍念常沒眾生是以勸歸淨土(已上)。

問隨自意語與出世本懷同異如何[前-別+合]約聖道隨他意淨土隨自意義隨自本懷詞異意同法華玄一云隨他意語非佛本懷矣二定善隨他等者夫人偏是雖請定善佛閣定善自開三福定善隨他散善隨自是其義也偏說定門等者序分義云機緣未具不可偏說定門佛更觀機自開三福之行矣又云若依定行即攝生不盡是以如來方便顯開三福以應散動根機矣三定散隨他等者選擇云釋尊不付屬定散諸行唯以念佛付屬阿難矣又云隨他之前暫雖開定散門隨自之後還閉定散門一開以後永不閉者唯是念佛一門(已上)。

二散善隨自他意語者散善一門是佛自說故云隨自於散善中說上六品應是性習不同機宜故云他意斯乃隨自中隨他也[前-別+合]定散得受機者

四番問[前-別+合]中第二問雖廣舉定散眾機[前-別+合]偏述隨自一機也除斯已外等者謗法無信八難非人難迴心故屬不堪機故云除斯下堪能機故云已外一心已下釋第十八願文意也彼宗意等者釋籤一云自法華已前皆曰隨他故前教中雖並有融以兼帶故並屬隨他(已上)。

四十餘年等者無量義經云四十餘年未顯真實(已上)。

其真實者二乘成佛十如實相龍女成佛久遠成道等也隨轉理門者要集記六引瑜伽鈔云彼隨轉理門與天台隨他意語同(已上)。

隨轉理門則方便說矣今意不然隨轉理門者備他門語顯自門意也一家自說本意等者大師釋中雖無隨自隨他名目解釋義勢其趣分明故云一家自說等十二部經等者第五優陀那舊云無問自說新云自說譬如從生育者聲聞菩薩譬不開究竟佛眼也二乘者上舉菩薩畧於緣覺今舉緣覺畧於菩薩影略互顯假使等者淨影云明一切人悉得聖道共思不知假使一切人之多也具皆得道行德勝也淨慧智空證解深也佛慧無邊歎佛智廣如是致淨歎佛德淨窮至清淨法性涅槃故難測知(已上)。

智慧海者名號者經智慧海釋智願海言異意同佛智名號等者問註記五云

佛智是廣念佛是狹非謂念佛即是佛智何今云言異意同耶[前-別+合]註記意佛智是摠智通權實事理故云佛智廣明信稱念佛而唯事相行故云念佛狹今意不然即相名號事理縱橫佛智名號言異意同。

第七重下

淨土立高妙報土等者玄義云問曰彼佛及土既言報者報法高妙小聖難階垢障凡夫云何得入[前-別+合]曰若論眾生垢障實難欣趣正由託佛願以作強緣致使五乘齊入(已上)。

自力諸宗等者諸師以彌陀身土定應身應土以能生之機多是判聖人故大師於經論相違門開六段細釋此義也舉者皆也跨節者此詞在法華玄二跨越也節制也止也則超法度義也未斷凡夫小聖人等超入報國越是聖道自力法度也中三品等者諸師判中上品三果人中中品內九中下品世善凡夫一家釋中品三人是遇小凡夫愚法聲聞者淨影云執小迷大名為愚法解小知大名不愚法性宗實大乘意等者若依小乘入無餘後更不還生若依法相不定性者不入無餘次定性者入無餘後不許還生若依三論入寂之後許還生也今對小乘并法相宗故云性宗實大乘等八六等者涅槃經病行品說也本文在法事讚記初果入無餘後過八万劫得發菩提心二果六万劫三果四

万劫羅漢二万劫支佛一万劫也問斷盡見思得羅漢果後入無餘何今云前三果人入無餘耶[前-別+合]如所難得羅漢果後入無餘但云初果二果三果約經生者灰身滅智等者問羅漢雖斷見思離分段生未斷法執直可受變易生何云無餘證乎[前-別+合]若依天台意經八六等教門權說其實直生方便土也故法華云是人雖生滅度之想而於彼土得聞是經(已上)。

但說八六等疏記云經存教道被鈍根者矣經劫敦逼之說要令其人速於此世迴心若依香為意無餘是教門經劫非教門起信論義記上云以二乘人本來不得無餘依涅槃界故佛性論第三云二乘人有三種餘一煩惱餘謂無明住地二業餘謂無漏業三果報餘謂意生身變易身也矣義記云然彼二乘既不能知此三餘乃至法尔皆有變易報殘而彼不知謂為涅槃而實但是未燒身前期以滅智所得滅定(云云)又云二乘無餘體滅定乃至由彼二乘根有利鈍滅定防心種有強弱是故在定極逕八万乃至一念(云云)既遮二乘不得無餘涅槃表法尔變易報殘無餘教門分明也亦釋由根有利鈍從滅定出經八万乃至一念經劫非教門明矣文中一念者指法華是人雖生等文也楞伽經曰躡小乘空三昧樂猶如醉人久久方醒(已上)。

空三昧詞滅盡定炳然一家唯釋灰身滅智等不云教門故順釋家云待八六等自然生淨土也生心覺動等者問於何土生身心耶[前-別+合]一家無

釋准台家意方便土也具如糲鈔未迴心者如向者不愚法聲聞不轉自調心不發菩提心亦云未迴心此不愚法人雖知有淨土不發菩提心不欣於淨土終入圓寂也轉向大乘等者轉謂改轉向謂趣向改自調心趣向大心故云轉向恥小慕大者方等益也法華玄十云得為恥小慕大之益喻如烹酪作生蘇(已上)。

具成別人益者鹿苑證果聲聞方等之時冥成通人般若之時顯成通人冥成別人也但發等者准發菩提心無菩提心行况實相開會故云但發等穢土退緣多等者西方要決云退根羅漢欲界人中得果遇五緣退具恐失聖果起修道惑(已上)。

問住果聲聞暫退而無永退何云難入乎[前-別+合]退法思法深厭退緣約彼思念且云難入欲界人中有五退緣一長病二遠行三誦經四營事五和諍(云云)阿彌陀佛國等者大阿彌陀經文也今引之意極樂國中諸阿羅漢入無餘者無窮其數不入無餘新得羅漢亦無窮數般泥洹去者無餘涅槃義也央盡也本所期等者為入無餘雖願往生既得往生不覺自然得成佛果故云無上寶珠等也法華信解品云佛說聲聞當得作佛無上寶聚不永自得矣又云本無心有所希求今法王大寶自然而至(已上)。

銷融一乘者華嚴天台也純金一乘者雖通華天密禪今密禪也鑛金宗者法相三論也圖中鑛金者韻會云礦古猛切銅鐵生者多連石也或作鑛矣未明金體者小乘三宗不明佛性故云未明下金體同之鑛垢未脫者鑛垢惑障也天台圓宗斷於四十二品無明法相三論但斷於十二品無明不斷其餘故云未脫四念處云但知斷十二品無明為己家之極果不知是他家之下因(已上)。

華嚴天台者此二宗一列顯教一類故教內一類故銷融脫鑛者斷盡惑義也真言佛心者真言雖教內而非是顯教佛心雖顯教亦非是教內以不通顯與教二故一列也本來出鑛不待銷融者從本無惑不須斷惑金剛頂經開題云不觀修行不待對治本來住此法尔佛位(已上)。

六祖壇經云菩提自性本來清淨矣問實教意約理無斷約事論斷故五教章下云約實謂無可斷以本來清淨故矣法華玄九云無明體性本自不有何須智慧解惑矣斯乃本來出鑛不待銷融乎又大日經疏釋消融百六十心鑛石之垢證道歌述銷融頓入不思議然何今云本來出鑛不待銷融乎[前-別+合]所難誠尔也但真言以表德為本佛心以見性為旨故且云不待銷融其實華天密禪共須斷惑銷融泥今批判勿守株矣能令等者五會法事讚云但使迴心多念佛能令瓦礫變成金(已上)。

若約等者云五箇實大乘時淨土宗亦名純金也龍樹菩薩等者智論云穢土一乘如鑛金淨土一乘如純金(已上)。

純雖得煉名者煉斷惑義也百練成純金惑盡成佛果若此之時華天密禪同得煉名也。

第八重下

修無相因等者因果相湏義也合家意無生忍法身本通初住初地也是啻者啻字常途不再讀選擇云非啻有多少義矣大學曰不啻若自其口出矣但海篇云啻音世不止如是矣若是再讀證歟剋念者尚書云克念作聖剋能也通作克大師釋云等者是釋示觀緣見彼國土等文釋意令作此觀者皆得無生忍也以觀行人云積學者言無遺者令觀行人皆得無生故云無遺言冥加者佛力加被非是顯露故云冥加得無生忍現世顯露故云現益文序分者指示觀緣應時即得無生法忍舉勸利益等者得無生忍正宗利益然佛說序舉揚十三定善利益使人勸修故云舉勸利益由序言方便者序分即是正宗弄引故云方便此乃玄談未標得處者以正宗益遠說序分故云玄談序文雖言得無生忍未云何處故云未標其得處者若約韋提在第七觀若約未來更不可定斯乃眾生機不同故序臨等者序欣淨緣光臺現土序見依報歡喜餘身故

云喜歎無以自勝今乃等者正釋得忍言正觀者即是眼見言心[月*良]者即
心眼開初散心見後心眼開即得無生六賊等者六塵境也對六塵境發起煩
惱造作惡業失功德財故云六賊起業煩惱相續不斷故云常從業煩惱是惡
趣之因故云三惡臨臨等也大師釋云六賊常隨三惡火[坵-匕+几]臨臨欲
入若不舉足以救迷等(云云)定記二云為救眾生墮惡趣苦周障急來故云立
撮業繫之牢者牢籠也或作牢造諸惡業墮三惡趣繫世之囚如入禁籠是故
名曰業繫之牢不及端座者依造像功德經四威儀中以座為勝雖然今佛為
救眾生急來立撮不及端座也辨師乃至大原問[前-別+合]者第七番[前-
別+合]入聖得果現世證入難云韋提夫人於第七觀時得大悟無生雖是無
初地無生語入聖大悟故初地證理無生義顯然依之宗要二卷釋初地無生
義問性頓教意初住已上證位何今依後分教權門意云初地無生乎[前-別
+合]一家釋十地三賢海不云地前證位仁王起信等此意也然師上人放言
背等者鎮西宗要見聞云夫人無生歡喜地也(云云)先達所立雖難改依法不
依人涅槃教故明經釋可存其義也經說依有相觀見有相境何證理無生釋
定十信中忍簡解行已上此外無云歡喜地無生釋(云云)順理者散善上上等
者問此順理義一向不順理散機未發定約穢土得生已後何不發定大師釋
云四種威儀常在定不出三昧作神通矣又云彼國眾生心眼利聞一悟解百
千門(已上)。

依此等釋彼土眾生非但得定亦是利根雖然上中品說經一小劫得無生忍上下品說經三小劫住歡喜地雖依得定力何於此土得初地無生耶[前-別+合](云云)不涉解會智等者今此觀門等但有相事觀非無相理觀故云不涉等雖有相事觀佛力加被故直契無相理故云得本分大悟無生時而無有疑慮故名為大信仁王信忍即此謂也問契本分大信時見有相佛否[前-別+合]彌陀相好即無相故初見相佛後達無相無相大悟何見相佛記主云依有相觀見有相境何證理無生翻而應知證理無生不見相佛明矣論註云相好莊嚴即是法身矣要集云一一相好即是實相矣要集記八云先見相佛方達實相(已上)。

會稽等者前漢朱買臣會稽人家貧好讀書常[茶-木]薪樵賣以給食故云會稽樵子仕武帝為帝說春秋言楚辭武帝聞之拜侍中後謂曰富貴不歸故鄉如衣綉夜行今子何如買臣頓首謝依之為會稽太守故云會稽樵子因武帝上武帝前漢第六主也具如蒙求涓濱等者涓濱亦曰涓陽大公望垂釣之處大公姓姜名子牙又名呂尚高祖周文王文王將田史編卜之曰田於涓陽將大得非龍非虜非虎非羆兆得公侯天遺汝師依之文王齊三日田於涓陽見大公座茅漁文王聞大公語知是賢人載同車歸立為師初封桓且公後改為大公祿封齊國故云如涓濱漁翁遇高祖尊具如六韜千字文然彼如來宿願

力故者見佛易故而依摠願往生難故必託別願今非直見佛亦得證悟任未得無生本期受極樂法性生身偏可云攝機別願也聖力冥加者釋迦佛力經說因佛力故得見無量壽佛故得蒙稽首者佛德尊高垢凡女質非容輕觸然佛願力而故赴機令致稽首故名為蒙赴機能引者在世得忍韋提夫人猶遂往生况末代人盍願淨土乎但註記五云普賢文殊龍樹天親願生西方兼於自他能察之領荷佛恩者因釋尊力覩於三尊此是夫人領納佛恩此恩尤重故云領荷為物陳疑生於後問者為物指經未來眾生陳疑指經當云何觀無量壽佛及二菩薩明夫人意佛現在故蒙釋尊加念得覩彌陀佛問佛滅後眾生可云何見阿彌陀佛故云生於後問生身得忍菩薩者父母所生身證無生理是名生身得忍菩薩法性生身者法性清淨微細色身斯乃界外變易根身一家釋云初地已上七地已來即是法性生身變易生身斯等曾無分段之苦(已上)。

因茲等者無生即是不退之義忍者慧也得無生慧故名無生忍心歡喜故名為喜忍廓然大悟故名悟忍其位十信故名信忍諸師多許深位無生者淨影云應時下由見心喜得無生忍由知彼國從心而現達本無法故得無生理也慧心安理名無生忍(已上)。

天台云即得無生忍是初住初地(已上)。

斯乃圓教初住別教初地依然師意諸師深機所被深位無生一家淺機所被淺位無生依辨師意諸師如向一家淺機所被深位無生(云云)難弟難兄者勝劣難分義也世說云陳元方子群弟季方子忠各論父功德不決諮于太丘祖寔太丘曰元方難為兄季方難為弟矣。

第九重下

約行教相等者大經云易往而無人矣易者對難其義明白大經云超越聲聞緣覺之地矣是聲聞藏又云深入菩薩法藏矣即菩薩藏既云菩薩法藏聲聞法藏亦明白也序分者一經緣起者大般若經序分名緣起品為正說緣起故正宗弄引者疏記云弄引者以譬顯也(云云)譬意序分譬歌正宗喻舞弄序分歌引正宗舞故云弄引六緣七緣者如序分義二序三序開合者合則證信發起二序開則從發起序之中開化前序故云開合言由序者證信發起即名由序此之二序為正宗由故大師釋云化必有由故先明序由序既興正陳所說(已上)。

樞機者周易曰言行君子之樞機(已上)。

樞機者肝要義也玄猷者玄深也猷道也化前發起等者問於發起序中有化

前等七緣可云化前禁父禁母三緣何加發起序云四緣耶[前-別+合]發起
序揔七緣是別揔別共舉故云四緣以發起序云發起緣序即緣故化前序如
云化前緣冥成厭離等者冥是對顯夫人顯成厭離之人在厭苦緣阿闍世已
禁父禁母推夫人意何無厭離故云冥成夫人自唯罪重者今遇惡緣依過去
罪故云罪重下云我宿何罪生子惡子即此義也渴仰靈儀者靈儀之言指釋
迦佛仰信釋尊如渴欲水故云渴仰叮頂者大國之法憂喜切時即叮頂也跣
[跳-兆+余]者跣除几切行止也[跳-兆+余]徒古切足不履冥成等者夫人
遙禮佛厭值於惡緣何無欣求心故云冥成等然但厭惡而已者釋厭苦緣言
面即可諸佛道修行等者從此下至捨聖道之人明夫人心中厭娑婆佛道修
行欣淨土往生一門為我廣說無憂惱處者廣請十方淨土故云通所求教我
觀於清淨業處者廣請十方淨土去行故云通去行冥厭娑婆等者非但冥厭
此土修行冥欣西方淨土一門也所以知者下云別所求別去行時顯歸淨土
以下顯歸淨土推今冥欣淨土冥欣西方淨土一門也今是請為我廣說無憂
惱處顯欣十方淨土然云冥欣淨土往生斯乃推夫人心中也此聞佛說淨土
無生者指下正說我今請淨土佛當為我說淨土爾時遂望故云此聞等或指
已說諸淨土經夫人昔聞淨土教門今值惡緣應憶昔聞若不前聞何請淨土
故云此聞等真心徹到者經雖無真心徹倒言看前後文上云悲泣雨淚下云
厭穢欣淨其厭欣心定是慇懃心致真實口陳願我豈不徹到生死之元者煩

惱及業即是生死之根元也若生淨土長別有流故絕生死之根元也馱穢欣淨揔安心者約言面揔安心馱穢與今馱穢全同共馱六道故揔安心欣淨所求[尸@勺]西方今欣淨所求通十方是其異也雖然馱穢欣淨言同故云揔安心也今推夫人已下意揔安心馱穢唯馱六道穢惡今云善惡共馱離穢土事是其別也言馱穢土佛道修行故云冥成等至如來通[前-別+合]現十方佛土者問違提請為我廣說無憂惱處如來不廣說淨土光臺現十方淨土有何由耶[前-別+合]大師釋云若為之揔說恐彼不見心猶致惑是以一一顯現對彼眼前信彼所須隨心自選(已上)。

夫人選西方一土者經云我今樂生極樂世界阿彌陀佛所矣釋云夫人揔見十方佛國並悉精華欲比極樂莊嚴全非比况故云我今樂生安樂國也(已上)。

擇西方一行者經云教我思惟教我正受(已上)。

即是廣開淨土之門者上云西河悟真一[泳-永+(瓜-、)]寫瓶相承無疑是也問廣現十方淨土故云廣開然記主何故云廣開極樂之門乎[前-別+合]廣現十方淨土為令選西方也加之在世滅後眾生往生極樂依光臺現國故云廣開極樂大師釋云廣開淨土之門非直韋提得去有識聞之皆往(已上)。

諸餘經典等者一代諸經中多說西方彌陀事如妙樂云諸經所讚多在彌陀故以西方而為一准眾聖等者指小經證誠大師釋云十方諸佛悉皆同讚同勸同證矣機緣未具等者依韋提請唯說定善即漏散機故云機緣未具等也夫人雖請定善佛廣為化散機先開散善千鈞弩不為鼯鼠發機何由獨為夫人但說定善故佛觀機先自開散善也若依等者上文意同依下觀門者指第九佛身觀專心念佛者指念佛眾生念佛一經之元意在稱名念佛故云正顯等上散善隨自意故云且顯今念佛隨自意故云正顯但有子細者說清淨業文定善許說故觀佛色相釋依下觀門專心念佛此是觀念念佛也像觀說於現身中得念佛三昧真身觀說以見諸佛故名念佛三昧故稱名念佛義約一經元意觀念念佛義約定善許說有此二義故云但有子細舉一明三者有四角物見一角自知餘三角義也論語云舉一隅不以三隅反則不復也矣目機銖量者韻會云十黍為累十累為銖二十四銖為兩矣不用秤目一視知一銖一兩輕重義也機會也二門並說亦有之者依涅槃經凡夫三果未免賊害是約自力若依今經凡夫亦有免賊害義是約他力望怯弱下機聖道自力修行難成是云為煩惱賊之所害者為煩惱賊等者嫌聖道難行說清淨業者勸淨土易行此即二門並說也。

教相樞要鈔上

教相樞要鈔下

第十重下

又佛身及華座等者佛身即是第八像觀等者等取第九真佛一法者合地華像真而云一法成此四觀餘觀自成也定善門戶等者外曰門內曰戶先入門次至戶後登堂微細也著大也從小至大皆是淺深次第義也定善淺深次第有二一約所觀境假依報真依報通依報別依報假正報真正報次第也二約所得定一三觀以未至中間四根本六地為依地無漏定非門戶詮次十三觀依有漏淨定觀極樂依正故未至初禪中間禪二三四禪次第也勸持滅罪者勸謂勸進持謂憶持佛勸阿難使憶持之故云勸持經說汝持佛語即此義也經說若觀是地者除八十億劫生死之罪是滅罪也願行具足往生業成故云已圓西方寂靜等者如定記一歸去來者樂邦文類云幻住居士擬淵明歸去來歸去來兮西方淨土(云云)今歸去來摸淵明辭歟例如以中論真如廣大法性深高五乘十聖不知其邊文摸序題餘樂者餘饒也此約能化者指大師云能化善導彌陀再來故云歸無疑努力等者努勉也力勤也言用力勉勤是云努力如云勇猛勤精進我念等者初我流布我後二我本覺真我也釋論二云於出時中我來依他者即是下轉於入時中他來依我者即是上轉又云我謂

真如本覺來謂受熏之義矣言本覺真我受無明熏本覺自體依無明他故云
依他無明妄法受真如熏無明他相依本覺我故云依我清淨依果者依報淨
土依報淨土全一法句故云第一義諦等也極樂入一法句等者大師釋云一
到彌陀安養國元來是我法王家矣今修淨業往生淨土歸於本覺本有故鄉
故云歸去來亦云我等本有悟也般舟讚記云元來等者本覺真我名之為我
真如之城名法王家矣三不成等者出於彌天淨土論今此極樂得生凡聖共
見淨土一人而無見穢土者斯乃唯報淨土上故然維摩經梵主見此界於淨土
身子見此界於穢土依此兩人見異彌天判三不成淨穢一塵謂之一質淨穢
二塵而求各別謂之異質淨穢之中揔無四塵謂之無質三質皆錯故云不成
問淨穢二土為一塵二見[前-別+合]維摩經云隨其心淨即佛土淨言淨土
淨心所現穢土穢心所現故淨穢土非是一塵論云一質不成故淨穢有虧盈
矣淨穢有虧盈者梵王見淨即淨盈穢虧身子見穢即穢盈淨虧兩人二心異
故所現土有淨穢殊何云一質故云不成問淨穢二土為二塵二見[前-別
+合]安樂集記云淨穢二心其相雖異真如本一淨穢二土其躰雖異法性本
淨故云異質不成矣此[前-別+合]中淨穢二土其體雖異者穢土有漏四塵
為體淨土無漏四塵為躰故云淨穢二土其體雖異楞嚴疏云眾生穢土以有
漏識為體諸佛淨土以無漏智為體即此義也問淨穢二塵應言異質成何云
異質不成乎[前-別+合]第八所現二塵異質真如緣起二塵非異質所以者

何相宗意不許真如緣起故淨土四塵從無漏種子現行穢土四塵從有漏種子現行淨穢四塵永是各別是云異質感師判異質成即此義也然性宗意雖淨穢相漏無漏異真如緣起成淨穢故淨穢一法故安樂集記云真如緣起淨穢色質是故淨穢全是一法是云異質不成(已上)。

此記意真如緣起成淨穢故淨穢二塵全是一法也但糲鈔十七有子細恐繁不載之問淨穢中全無四塵唯依機妄為見淨見穢[前-別+合]安樂集記云真如緣起四塵各別故云無質不成(云云)問安樂集記以淨穢一塵為一質是約淨穢色相今一質執淨穢無二是約真諦體一事相與理性既別云何會之[前-別+合]安樂集記三不成與今三不成言同意別其意別者所難意也異質執等者問感師釋以同一處異質不成不云永異處此義可云非異質執乎[前-別+合]此求異處與彼同一處雖詞異意全同彼師相宗故執異質成不許真如緣起淨穢一法雖釋唯是一如攝相歸性門義而不關性宗也今所言一質滯真諦體一無俗諦用二眼異質泥俗諦用二無真諦躰一眼故共云瞎漢無質無真俗兩眼故云盲漢問華嚴經說眾生妄分別有佛有世界若了真法性無佛無世界見上無淨土下無穢土開覺法性爍迦羅眼何由云盲漢乎[前-別+合]一質異質是許淨穢無質即是不許淨穢不見淨穢故云盲漢諸佛菩薩雖云無淨穢而不廢淨穢亦雖云淨穢不背無淨穢實際理地不受一

塵佛事門前不捨一法即此謂也然眾生計有佛有世界猶是法執為遣此法執說眾生妄分別等非謂無淨穢上淨穢於妄分別也縱起有見勿起無見况邪見乎諸佛說法等者維摩經文也不壞假名俗諦而說實相真諦也業力所隔諸佛所構者此二句下揔標業力所隔約機情邊諸佛所構約佛知見雖在當處非如一質者約佛知見雖在當處俗諦用二時穢土眾生共業感淨土如來別報感故云非如一質十萬億剎非如異質者約機情邊雖十萬億真諦體一時淨穢二土全是一法故云非如異質直生當處不壞十萬淨名方丈王質半日如次佛知機情也問生當處極樂為十萬億剎假說何云不壞等耶

[前-別+合]不移東西直生極樂雖然業力所隔不見淨剎故云不壞等王質等者述異記云信安郡石室中晉時樵者王質逢二童子碁與質一物如棗核食之不飢置斧於座而觀童子曰汝斧柯爛矣質歸鄉無復時人矣此記不云王質逢七世孫續齊諧記意漢明帝時劉晨阮肇二人入天台山迷路入仙家住半年還家鄉得七代子孫矣此記云劉晨阮肇逢七世孫具如蒙求但劉阮居仙半年而江相公文作半日文章也例如子安死後三年而蘇然云千齡雖延促殊共例文章王質云逢七世孫有異說勘之搜玄即冥者安樂集云搜原則冥群疑論云搜玄即冥今依玄本搜謂搜求玄謂幽玄冥謂冥契言求幽玄理淨穢二土真如緣起即契一理故云搜玄即冥依正相兼者一家釋別依報論主判正報座功德即此義也經有等者經說汝等憶持此是勸持說廣為大

眾分別解說是勸說也一家釋云等者勸持勸說釋觀法深要今所[周-口]也
急救等如上三身觀者一佛二菩薩謂之三身經云見一寶像座彼華上觀世
音菩薩像座左華座大勢至菩薩像座右華座矣多身觀者多之三身云多身
觀經云一一樹下復有三蓮華諸蓮華上各有一佛二菩薩像遍滿彼國(已
上)。

斯乃群生等者眾生障重不堪直觀廣大身量故如來先令觀形像震響者觀
經雖無說法之文而准大經釋說法義大經云梵聲猶雷震八音暢妙響(已
上)。

釋震響經雷震八音中深遠音也光沾有識者沾益也言有識者有緣眾生以
攝取光利益有緣念佛行人故云光沾光益有緣意全同也彼思觀佛等者問
糴鈔云發起夫人不可迷[前-別+合]請自說旨若尔者夫人何思佛本意在
觀佛攝取觀身別相一分是觀佛光始終耶[前-別+合]夫人雖知定善[前-
別+合]請散善自開定散相對時不知念佛勝故云彼思等問定記三云如實
觀光明時彼佛光明唯攝稱名不益觀行故觀照攝稱名行者不觀照攝觀念
行者若尔者定觀夫人何思攝取觀身別相一分乎[前-別+合]記意釋觀察
成念佛助業夫人非助正兼行機何以知攝取益乎觀身別相時等者大師釋
云明觀身別相光益有緣即有其五矣一相多少二好多少三光多少四光照

遠近五光攝益如是於佛身觀五種別相故云觀身別相觀身別相第五之段說攝取益故云込說如無量壽經等者問釋大經云唯明專念判觀經亦云唯標專念然述小經云專念彌陀不置唯言有何意乎[前-別+合]唯識疏云唯者簡持也矣大經觀經雖說諸行往生而非本願往生本願往生唯在念佛以此義故簡去餘行持取念佛故云唯也然至小經念佛之外而可簡去更無餘行故不言唯也於此唯標亦有三義者第一廢立者選擇云諸行為廢而說念佛為立而說矣隨自意前廢定散行唯立念佛故云廢立佛說諸行定散眾機樂欲異故佛對其機而說定散然選擇為廢而說者對隨自機顯本願時佛意亦自有廢餘意故云為廢非謂如來直為廢說定散行也第二助正者選擇云為助念佛之正業而說諸行之助業矣助業有二四種助業純西方行故云同類助業三輩餘行雜行而非純西方行故云異類助業第三傍正者選擇云雖說念佛諸行二門以念佛而為正以諸行而為傍(已上)。

若依善導以初為正者大師廣釋諸行往生是傍正義前三後一而為助業是助正義雖然彌陀本願釋尊隨自唯在念佛故以廢立而為正也一心專念等釋上來雖說等文即此義也不觀相兒者文殊般若經云不觀相兒專稱名字(云云)斯乃廢觀念勸一行三昧也專心念佛者定說三有三義中第二義是稱名念佛今所用也第一義觀念念佛第三義通觀稱有三義故云但有子細始

從教相第十重至但有子細第十重定善義相傳竟自下上來十重教相釋結歸信一字於中從初下至開故也初重散善義也此二者等六字結前生後從單信大信下至亦復如是從第二重乃至第八重也玄義七門故乃至第十二等十一字亦是結前生後從連經至現國也第九重也從於淨土門至見也第十重也如是相傳釋下至下結釋十重大事信一字是也故說念佛化惡人等者下上品人經說極重惡業故臨命終時雖聞十二部經首題名字但除千劫罪一聲念佛滅五百万劫罪故云望佛願意等也但有子細者如今所判以汝若不能念者念判觀念念下云觀念廢故但經釋意不能念者念稱名念也其義曲如二藏頌義今判釋甚違經釋意故云但有子細問作者何由違經釋意乎[前-別+合]上云說念佛眾生攝取不捨時自有觀佛為傍意有觀佛為助意有觀佛為廢意上有觀佛為廢意今廢觀佛驀直顯言故說汝若不能念者判觀念廢也又以汝若不能念者念云觀念念云觀念念一義在鎮西宗要四故(云云)分陀利華者此云白蓮華華中最勝故如來說喻念佛人大師此華釋五種名讚念佛人也一代教興等者從竊以真如下至無由顯照明佛出由致從故使大悲下至皆蒙解脫明一代教興然眾生下今經緣起要門等如第二重七門等者此段標從第二重第八重故七門玄義今所[同-(一/口)+土]也言十二門玄義因七門玄義釋出也言從麤至細非但序題一門七門玄義十二門玄義亦復如是(云云)鴉草莖者戀約束證故對餘人秘不言之隨自意亦

對隨他人顯不說之故云隱置亦云密意自非大師自解佛願妙德孰人悟如來密意鴟草莖見乎四帖疏等者以觀經疏為本配教興教相宗旨宗義於餘四部問選擇非大師所造何今引之乎[前-別+合]集第一篇約證教相配序分義云為先也觀念法門宗旨為先者觀念門云依觀經明觀佛三昧法依般舟經明念佛三昧法(已上)。

是於文初明兩三昧故云為先般舟讚一面者彼讚首題云依觀經等明般舟三昧矣般舟三昧者念佛三昧異名也故云宗旨為先禮讚宗義者禮讚意從二者深心開出三心五念四修一行三昧故云宗義决[前-別+合]上云禮讚前序中[前-別+合]定得往生問舉三心五念四修一行三昧(已上)。

此定得往生問者大師御意二者深心禮讚云定得往生乃至一念無有疑心故名深心散善義云乘彼願力定得往生又云一心專念彌陀名號定得往生又云定得往生必無疑也(已上)。

前後二心不釋定得往生也辨師上人釋禮讚前序相傳判末代念佛者知淨土一宗之義修淨土一宗之行故云禮讚宗義為先最是甚深秘藏義也法事讚宗義者彼讚釋小經念佛往生信心難立故於此經有證誠也彌陀經云汝等眾生當信是稱讚不可思議功德一切諸佛所護念經矣法事讚云為斷凡

夫疑見執皆舒舌相覆三千共證七日稱名號又表釋迦言說真(已上)。

此法事讚雖非文初從於多分言為先也星斗柄者北斗七星一貪[彳*良]星二巨文星三祿存星四文曲星五廉貞星六武曲星七破軍星也天文志云一至四為魁五至七為杓矣說文曰謂斗杓為魁柄矣貪臣祿文四星謂之魁廉武破三星謂之杓杓標也言北斗七星善示吉凶能標時節故云斗杓亦云斗柄言異意同西都賦云正月建寅北斗柄夕則指寅曉則指午矣斗柄正月戌時指寅方十二月戌時指丑方一夜從寅指午如此七星運行是譬五部順逆也散善義摠等者散善義摠猶如大網三卷之別又若網目舉於大網網自動故十重大事歸信一字也問深心即名宗義乎[前-別+合]深心能開宗義所開也問隨自意時宗旨宗義差別如何[前-別+合]念佛即是一經要行是名宗旨從深信心開出念佛是名宗義也李君等者前漢李廣事文帝景帝武帝三代今古事武帝時也廣出獵見草中石以為虎而射之中石沒鏃視之石也復更射之不能入石矣今云李君稱美詞歟具如史記王霸等者後漢王霸從光武征王郎聞即丘在後從者皆恐至滹沱河候吏還白河水流漸無船不可濟令霸往視霸恐驚眾還詭曰水堅可渡前至河河水亦合乃令霸護渡未畢數騎水解上曰王霸權以濟事殆天瑞也具如蒙求此二譬見虎不疑聞水不疑是今所用也一家釋云等者散善義釋今信順二尊之意玄義判今乘二尊

教廣開淨土門今信順二尊意與廣開淨土門二文引合釋也今信順今乘二尊意二尊教詞異意同故淨土檀林等者華嚴智論以信心譬手故一家釋淨信心手安樂集以旃檀喻念佛若人入檀林無手何攀枝今遇念佛法如入旃檀林若無信心手空歸於三塗故云無手愁矣。

三重玄義下

亂切紙者乱對次第詞也如大經說隨色次第而不雜乱十重教相四帖疏次第也但以散善義為初重宗義本據故第二重已下玄義七門序分義定善義次第也然玄義法事讚乃至往生要集八部各別書而非一部次第文故對十重次第而言亂也言切紙者憐後代之廢忘書口傳於紙上謂之切紙故切紙義通於三六言局八通也是最初重者此書本是十八通別紙也學者為令易見近為帖書依之前後雜亂不正若欲書寫可書五部次第依明法事讚記五部次第三重玄義法事讚觀念法門般舟讚次第論註已下作者次第也玄義名義如玄記一糲鈔一皆是門前者始從如是我聞終至禮佛而退文文句句細釋義理謂之文句謂之文中[打-丁+忽]而言之三重玄義皆是文前於從如是我聞已前粗顯一經大旨故問第三依文釋義與然後依文釋義同異云何[前-別+合]異也釋先作七門料簡已云然後依文釋義故然後依文釋義指序分義已下三卷第三依文釋義於玄義七門中以義且云依文釋義也畧

依文釋義言者標列釋第三依文釋義并辨宗旨不同教之大小顯二門玄義至正釋判三辨釋宗旨不同教之大小顯七門玄義故云畧依文釋義言開出六段者初諸師解門第二道理來破門第三九品返對門第四出文顯證門第五別時意門第六二乘不生門也於此子段置第字者問六段最初云初言諸師解不云第一何云於子段置第字乎[前-別+合]釋第二第三乃至第六故初言之詞自顯第一也十一門義等者上上品前中上品前下上品前於此三處判文前[打-丁+忽]料簡即為十一門等於從九品文中已前釋十一門義故文句中玄義也。

法事讚下

摠勸等者三界無安雖皆可厭而人天中暫有少樂雖有少樂八苦遍身墮惡趣苦不久是故[打-丁+忽]勸一切行人令厭之徵詰者徵責也詰問也指經舍利弗於汝意云何等也以發願心令知等者問法事讚記判持心不散於起行何今云以發願心令知有念佛行哉[前-別+合]是有二義一義如記一義云口決鈔云六時強發願等者指經三世發願發願強持心不散如念佛誦經業道亦成也(已上)。

斯乃以發願強下句云持心不散也業成之言以除障故者或云成業或云業

成其義大異也成業者約念佛法體言三心具足念佛不論罪障滅不滅悉成往生業故云成業業成者約罪障滅盡故云業成之言等往生業障悉盡等者問以業障滅盡名業成其證如何[前-別+合]散記三云問寶王論云一念彌陀佛即滅無量罪(已上)。

若尔初念時所有多劫罪皆悉可滅盡何及十念漸次除盡[前-別+合]眾生業成未必一准或一念等或十念滿以根別故今說其一故云滿十(已上)。

問難初念可滅盡[前-別+合]會眾生業成未必一准以業障滅盡名業成分明也問業成通平生乎[前-別+合]尔也註記三以今讚文為平生業成證也問此義不審大悲芬陀利經云彼見我已除諸障礙矣珍海引此文云往生業障未盡之前佛先進來豈不恃哉(已上)。

明知業障滅盡在佛迎時若以業障滅盡名業成同他流万機臨終成若業成通平生不可[尸@句]業障滅盡尔者如何[前-別+合]機不一准上機平生業成命終感佛迎今讚釋業成見佛華臺即此義也下機臨終業成所難經釋偏約下機滯此經釋業障滅盡言局臨終失却名號滅罪功德如來說乃至一念無上功德大師釋一聲稱念罪皆除若有上機如說修行或一念或多念可業障滅盡豈局佛迎時乎雖有難易勝劣願非願等差諸行業成猶通平生况

念佛乎非是言得不退轉位等者初住已上位不退初地已上行不退八地已上念不退也未斷凡夫何由得不退位順次生可成佛人故具三不退德也然師上人法語等者然阿上人也問業事成辦人有永退乎[前-別+合]尔也口决鈔舉先哲二義鈔主有評判西願一義云鎮西宗要見聞云深心之中深者雖遇退緣而不可退矣况業成之人乎然平生業成機大師或釋心無間或述強發願此豈不深乎尔者業道成辦者一向不可退但今大旨不可退者凡夫地故設有劣弱機雖退其心應是暫退故云大旨等然而無未退是異業未成三心具行者實有少分永退者故云自三心強(云云)盛蓮一義云實可有少分退凡夫所行故爰以要集鈔云先師云雖業道成凡夫故許有少分退矣今佐介自筆狀云業成者大旨不可退自三心強故矣大旨言聞有少分退但三心與業成強弱異故雖同許少分退業成之上退者希於三心退(已上)。

鈔主評判云二義共當流先哲所存雖俱不可取捨但聞勝願寺之處者後義意也雖同少分退依業成不成亦可有多少一向不退義宜斟[西*夕]凡夫所行故(云云)又决疑鈔引淨業先成之者釋義通永退業成永退少分何無之乎探要記五云信知雖成往生勝業若值違緣故作罪障抑所成業不得往生(云云)問證誠經無假說若尔者三心業成共不可少分退說是諸人等皆得不退故[前-別+合]皆字有二意如說皆是阿鞞跋致皆悉義也彼界一人無退者

故如說皆是大阿羅漢皆多義也如來在世阿難有學而非阿羅漢故今皆得不退多之義也至如華嚴等者華嚴所說別教一乘一乘之中至極所談故云極唱云高山頓大之法一極唱高即此義也華嚴法華共是一機一緣得度非是諸人平等普益華嚴所談三生成佛法華所說漸漸成佛非是順次成佛授記彌陀經說是諸人等皆得不退此是諸人平等普益順次皆得無上菩提即是一生成佛授記誠是不可思議功德也約法體具德等者三心具足念佛有必生德是名法體具德故不論罪滅不滅皆云不退轉也無邊等者靈芝小經義疏文也無漏万德攝在名號名為聖德唱之功德熏習藏識是則名為攬入識心熏習功德不散不失為成佛因故云永種頓除重罪滅罪功也獲得菩提生善德也至誠心者第一心往生大願第三心舉前後顯中間此是約三心必生德判不退轉也凡夫實我等者實我人執實法法執我法二執體性都無而非實有故云虛妄虛偽聞持記者此文靈芝小經義疏文也靈芝弟子戒度造義疏末書是云聞持記也具縛凡愚者注十疑云縛謂煩惱能纏縛人凡夫具有故名具縛凡夫(已上)。

屠沽下類等者韻會云屠剗也殺也又云酤一宿酒也造之一夜而熟又賣酒通作法(已上)。

尸子云屠者割肉知牛之長少沽者知酒之多少也(已上)。

屠者割肉賣之助身沽者造酒沽之資命是至卑賤故名下類未斷凡愚不經地位直入佛地故云超越成佛不勞等者勞謂功也凡於此界修万善因得成佛果是名為勞往生淨土不假功勞任運成佛故云不勞還來苦界作津梁者津梁也梁水橋也詩造舟為梁今浮橋也還來苦界教化眾生渡生死河至涅槃岸如世浮橋故云津梁浮橋今舟橋也。

觀念法門下

非離色光等者問色光遍照十方世界念不念者情非情等心光唯攝念佛行者何今云離色光無心光耶[前-別+合]記意顯光體無二例非如日光外有月光色光之上副於佛意而名心光其佛意者即是護念護念不捨故名攝取今文云彼佛心光常照是人攝護不捨即此義也心緣法界照慈光者二十八願上益照念佛人蒙光觸者塵勞滅者第三十三觸光柔軟益滅罪由故云塵勞滅名體等者名謂第十八名號體謂第九觀佛體義謂第十二光明由謂三十三願益體上所備德義謂之義義上所施德用謂之用此體義用三悉依名顯之故稱名號無何佛光照念佛行者故論云稱彼如來名等問稱彼如來名者念佛名也光明智相者念佛義也名義具足有不捨益論主名義一家心光全是同何云大師作今一重勝心光釋哉[前-別+合]論主判名體義用不離故無何佛光照名號行者一家彼佛本發光明名號之願酬此兩願相好

光明唯悟照念佛行者思召佛意釋彼佛心光等故云一重勝也悟兩願佛意故云大師十德中第一等也別發等第十八願相好等第十二願唯稱念等兩願上佛意也但今大師十德所出未勘之布薩式舉大師十二德中第一本地高廣德而非自解佛願德又彌陀本願義疏并一乘戒儀廣本上下雖云上人作一分不相似大師高判祖師解釋學者應知唯觀色身力何輒知佛實心者若依相宗佛實心者在自受用身他受用變化二身唯假現心心所而無實心今就第九觀佛他受用報身論實心相分記主之意見佛心者約相分心內心慈悲顯於色相見相知心名相分心鈔主一義許事相觀直證無生盍觀色身見佛實心乎平等寂滅等者寂滅不生不滅之義雖通因果今寂滅者佛果所證實智之前無是非差無向背別故云平等常平等實智常差別權智也不觀佛身正見佛心者不觀佛身非是知見於相分心亦非心開知見佛心唯依一家大師恩力正見佛心其佛心者慈悲心是其慈悲者無取捨上攝取不捨也影現等者定中所現佛非本質故云影現居在如要集靈芝釋觀行之時佛現心中若不觀時佛亦不現故云有時口稱之時不口稱時彼佛心光常照是人故云無間也。

同觀念法門中四事助歡喜者飲食衣服臥具湯藥以此四事行者供養阿彌陀佛也皆得成佛等之等者等取現在未來諸佛也加阿彌陀三字者大師加

三字也十住論中等者止觀二引十住毘婆娑云佛眼佛父無生大悲母一切諸如來從是二法生矣妙玄六云十住毘婆娑云般舟三昧父大悲無生母一切諸如來從此二法生(已上)。

今所引文全同止觀但脫第一句四字第第二句生一字多第三句脫諸一字引文不正故義不分明斯乃可書寫錯取要言之實智即父權智是母一切如來從二智生今引之意三世諸佛念佛成佛成覺約有緣一機說其實一切諸佛從二智生也有云加等者般舟經之念佛三昧是通諸佛然加三字諸佛功德彌陀功德全是平等故加三字斯乃攝論四意趣中平等意趣也有云念過去彌陀者非但十劫已前故言過去彌陀[打-丁+忽]而以已滅佛言過去佛也楞嚴勢至章云我憶往昔恒河沙劫有佛出世名無量光(云云)無量光者即彌陀也恒河沙劫已前出世而入滅度故云過去彌陀也有云念本地彌陀者法華云我成佛已來甚大久遠矣是說釋迦本地久成也靈芝判彌陀本地久成義十劫屬赴機記主破之云本地久成在法華中非今所談若約佛意非適今也矣問法華玄二云本自有之非適今也矣准之實十劫而無彌陀久成義何由記主云若約佛意非適今也乎[前-別+合]推記主意大通佛時彌陀第九王子釋迦第十六王子然從大通佛於塵劫已前釋迦實成道彌陀何不然法華玄七云若十六王子在大通佛時弘經結緣皆是中間所作非本因也(已上)。

爰知二佛共是久成如來雖然機宜不同經教亦別法華演說釋迦久成利益上機淨經不說彌陀久成唯說十劫濟度下機說與不說是在機情故云若約等問記主意約佛意非無彌陀久成義亦者何破靈芝義耶[前-別+合]靈芝依彌陀久成義以十劫文屬赴機說故破之也或赴機或常演此等之義皆依法華楞嚴等說會十劫文故違經意所以者何小經十劫若屬方便赴機之說於方便經豈有證誠既證誠經說十劫故實之十劫而非赴機亦非常演當流之意偏依淨經定實十劫他經異說不須和會有云延促劫智者法華玄七云佛有延促劫智能演七日為無量劫(已上)。

促無量劫亦為七日延促劫智言彌陀成道雖無量劫促說十劫是名延促劫智有云四義學者自情也眾生得脫等者大師釋云佛教多門八万四正為眾生機不同(已上)。

諸佛無量德名等者無量德無量名此有摠別摠者論註云諸佛如來德有無量德無量故德號無量(已上)。

別者阿彌陀此翻無量同名異體阿彌陀多用欽云今世傳三十六万億一十一万九千五百同名阿彌陀(已上)。

餘無量佛不成主宰此尊獨成無量佛主也成道已後下無量無洩物故云離事無亦云三昧出楞伽經云等者立器世間眾生世間名目之時以佛菩薩雖名眾生今眾生外說佛菩薩故眾生者六道眾生菩薩等者等取二乘十方佛刹亦通淨穢是則十界依正二報問極樂無為泥洹境何由楞伽說九界迷徒穢土不淨從極樂出耶[前-別+合]十界依正唯心所現其唯心理與極樂之入一法句無二無別以此義故說極樂出今案此義[利-禾+(光-兀+天)]三昧出是約去行說極樂出即約所永約去行無量佛主宰故約所求極樂法王家故若約等者十方佛刹所有三身豈限十劫成覺已來故云若約等問法事讚記若約等與今若約等為同為異[前-別+合]異也若約佛意有彌陀久成義斯乃記意也若約佛意十劫已前諸佛從極樂出故可云念無量佛此是今意也老邁耆舊者邁老也耆老也舊老宿也久賞者賞之言尚尚其功也十方三世已下如第三重輞輪者輪也轂車中之容軸者也。

般舟讚下

般舟讚云等者淨土莊嚴說不能盡故云無有盡依論註意十方生者一時一日之頃筭數無極其數故曰無窮十劫已來盡未來際雖生者多國土廣大而不迫窄故云不相妨俱舍云等者取有情界廣博也分虛空量者若依大乘智論判如恒河沙穢土若依小乘此三千界外雖明他三千界是少分故云分虛

空量弘決云等者眾生界理與佛界理無二無別故云理等言種類者生界生數佛界佛數若人成覺佛界佛數即是不增生界生數亦是不減所以者何以理等故種類亦等勿執等者禁增減執弘決二云生之與佛無復界別數量之異以理等故種類亦等矣教時義云等者九界眾生迷一理故見多眾生故云成多諸佛如來覺一理故十界一佛故云會成大般若有飛鳥之譬者未勘之起信論義記上云況眾生界如虛空界設如一鳥飛於虛空從西向東逕百千年終不得說東近而西遠何以故以虛空無分齊故(云云)此是生界不減譬也大般若譬亦應此義[前-別+合]云云者韻會云雲本作云云云者眾語也矣大經云等者但取不可思議詞也又止觀二云諸佛界量不可思議眾生界量亦不可思議(已上)。

此是不增不減義也言共以不思議一法為體故生佛二界不增不減也五不可思議者論註云一者眾生多少不可思議二者業力不可思議三者龍力不可思議四者禪定力不可思議五者佛法力不可思議(已上)。

迷多覺一等者是上所引教時義意迷覺相異故云非一迷覺性一故云非異覺一佛上等者覺一是如水迷多即如波一水故非多万波故非少雖迷迷等者九界迷迷元來不動法性一理何云多生佛界悟悟普該含識性具眾生豈云一佛斯乃迷悟不二義也一佛身中等者生佛本來具十界故眾生即是一

佛一佛即是眾生往生十因云心性一味迷悟不二佛心中眾生迷迷無所迷
眾生心中佛悟悟無所悟(已上)。

元備等者一多兩彩元是一賽故不增不減經云眾生即法身法身即眾生眾
生法身義一名異(已上)。

一度覺轉等者問楞嚴經說覺不生迷同疏釋悟不再迷今判覺轉佛不再還
生死迷悟隔別全以同何云小乘權門所談若亦實教意可云覺悟佛再還生
死乎[前-別+合]乳水雖混鵝鴨能知權小意談生死外有涅槃故云佛不再
還生死實教意體達生死即涅槃是真出離生死也論註云十方無[得-彳]人
一道出生死謂知生死即是涅槃無[得-彳]相也(已上)。

然難生死還不還猶是生死實有見也不見云生死涅槃猶如作夢但至迷悟
隔別全同難權小意但執迷悟而二不知迷悟不二其迷悟有知不知知生死
即涅槃謂之悟不知生死即涅槃謂之迷依迷悟相異說覺不生迷因迷悟性
一談生死即涅槃一悟生死即涅槃後不再迷生死外有涅槃故經說覺不生
迷疏釋悟不再迷也問相宗意談生死涅槃無差別何云生死外有涅槃耶
[前-別+合]彼宗意不許真如緣起故生死以有為有漏第八識為體涅槃以
無為真如凝然理為體五地已上菩薩依觀生死涅槃無差別雖不同二乘獸

苦欣滅其體永別故生死外涅槃也不改體相者譬如一金作萬器不失金體雖言迷迷不失本來法性性體故云不改不轉幽旨者雖言悟悟一切眾生本來成佛[糸*糸]毫不易故云不轉不知此理等者迷時本來不改悟時本來不轉何由起迷悟差別生佛增減執乎佛慧者如上一切等者一切眾生本來成佛無不成者故云權者圓覺經云始知眾生本來成佛生死涅槃猶如作夢(已上)。

眾生無始等者法性不增不減故生死無始無終也具如糶鈔空華圓影者空華如常楞嚴經云如世間人目有赤眚夜見燈光別有圓影五色重疊(已上)。

和光同塵始者老子云和其光同其塵矣止觀云和光同塵結緣始八相成道利物終矣止觀意和佛身光同眾生塵能同權者所同實者今意不然權者之外無實者故和本來成佛光同一切眾生塵能同本來成佛如水所同一切眾生如波水以為波旦云同塵言和本來成佛光成一切眾生塵是云和光同塵始也生性等者釋籤二云不可得即是理也矣生謂眾生性謂體性眾生體性實不可得實相無相故云無生生生等者千生萬生皆歸無生無生一理無增減故無生而生故實等者無生之人以無生解而得往生是則真實往生義也穢土生性等者淨穢眾生共是無相迷覺雖異無相一理無多少故無增減故無生之物等者問淨穢共是無生何由願生乎[前-別+合]開悟無生深位菩

薩為早作佛願生况無生觀解人乎穢土假名等者非凡夫所見實有人非實
有人名假名人論註云因緣義故假名生矣因緣生故而無自性無自性處生
性不可得也不得一等者穢土修觀因淨土往生果因果既是別故云不得一
以穢土修因相續往生果若是異何由以因續於果故云不得異彼下品生人
等者法性無生觀解之人當上品生今舉最下云下品生其實中下六品皆不
知法性無生也言見生者見實有義亦是執義以實有見執生極樂故云見生
見生之火等者譬如水上燒火火猛水解水解火滅故見生火自然滅時混同
無生智水也是雖見生無生往生非見生即無生義故屬一往也以情超入等
者不改實我實法執情直入佛地故云超入十方等者楞嚴經文也薄伽梵有
六義今畧之涅槃經云能破煩惱名婆伽婆矣薄加梵婆伽婆梵音楚夏耳是
則諸佛通號也即是涅槃門一路涅槃門引合之意從佛意方見之十方諸佛
唯此一路更無異路我等行處全是諸佛行處也唯佛等者獨猶但閑法也言
彼界唯一佛乘而但有清淨法故云唯佛一道獨清閑論註云同一念佛無別
道故矣一切等者是六十華嚴第六文引論註極解脫道名無[得-彳]人即是
佛果引此二文唯佛一道無[得-彳]人故更無餘乘故我等願處全諸佛解脫
也上來釋見生當體無生行願自下明往生已後得益故云何况等也。

論註下

一應化道者佛於閻浮提說十地位階應一途漸機化道也此經位不經位者論註有二番問[前-別+合]初問曰案十地經問[前-別+合]偏明經劫經位後問[前-別+合]中始明經劫經位終引一生補處願明不經劫不經位也上教門者初地七地菩薩即時不能證得八地已上寂滅平等經劫經位故云教門下實義者正依願力速疾至一生補處位故云實義此是本願真實利益故云實義非是四義中實義也上下共實義者上經劫經位約本願所除別意樂菩薩是亦本願利益故云實義依淨土不共德等者意樂菩薩為眾生故經歷多劫行菩薩道不進上位雖然淨土德義身居下位得上位德是故七地已前菩薩得八九十地德也即悟等者上上品人生彼土已即時得初地無生也觀經云聞已即悟無生法忍矣言經宿者上中品華合經一夜名曰宿也經云如大寶華經宿則開矣上中品人經一小劫登初地位經云經一小劫得無生忍矣上下品人經三小劫登初地位經云經三小劫住歡喜地(已上)。

彼地前得益者上上初地上中上下地前然言地前得益言揔意別地前言雖似通三品意局上中上下二品也地前有長短者上上即悟短之中短上中一劫長之中短上下三劫長之中長即悟無生位在初地然言地前長短亦是言揔意別也一上者指上三重中初重二重云上也今第三重二意者一自國菩薩速至補處也一彼處不退已下新生凡夫明速至補處也但今文等者阿鞞

跋致此云不退轉今論文以三不退中初地已上行不退同八地已上寂滅平等而更不取地前凡夫故云但今文所言今文者論云即見彼佛未證淨心菩薩畢竟得證平等法身與淨心菩[薩-產+(辛/工)]與上地諸菩[薩-產+(辛/工)]畢竟同得寂滅平等故(已上)。

一生補處名亦可然者眾生者皆不退故雖可說眾生者皆是一生補處少分有別意樂菩薩不至補處故說多有也設釋者上三重中初云設雖於地等是也况釋者三重中第二云况彼親生等是也非謂今論等者安樂集云十方人天生彼國者等是明不虛作住持通凡夫也或可本願所除者問一生補處願為地上菩薩誓之觀經一三劫地前也何云本願所除乎[前-別+合]一生補處願之利益通凡夫故意樂菩薩可通地前又西河釋云等者補處願云地上本願然今文釋其有眾生令通凡夫故置又隔也彼師本涅槃宗故依佛性內熏釋有願成佛心願成佛心者即菩提心也論註云無上菩提心即是願作佛心(云云)大經云等者一生補處願取意也倫次第義三賢十地位階次第是云常倫若生淨土不經三賢十地次位速至等覺故云超出至成已下明至佛位迴迂迴義復房六切往來為復後分教意等覺菩薩有入重玄門倒修凡事迂迴道往來難若生彼國非但速疾到等覺位至成佛道亦是速疾故云更無迴復之難八地已上等者起信論以初地名淨心地證真如故今意不尔七

地已前名未證淨功用位故八地菩薩名為淨心無功用故七地已還已下明不從一地至一地取要言之言七地已前八九十地未證證淨下地上地詞聞雖似有淺深異意唯一等覺以云同得寂滅忍故所言寂滅忍下品寂滅忍即第十地也仁王經意等覺菩薩攝第十地而不別立彼經說妙覺云三十生盡等大覺說第十地云二十九生求已度餘有一生彼經第十地當等覺一生補處文理顯然也問註釋等者生彼國土見彌陀佛七地已前菩薩得證八地已上平等法身故云身等同得寂滅平等之法故云法等問意論註判龍樹天親願生為得身等法等不取凡夫何攝凡夫乎也[前-別+合]可知未證淨心親當等者問龍樹初地菩薩故親當未證淨心天親內凡位何云未證淨心乎[前-別+合]撲楊云位居明得道隣極喜(已上)。

從隣近義令一同也弘決云天親龍樹內鑑冷然(已上)。

安樂集下

無漏相者一義云從彼佛清淨無漏心修起淨土佛心無漏所現淨土亦是無漏故名無漏相一義云彼佛證得於本來無漏性功德本有無漏性德全成莊嚴淨土故云無漏相鸞師判性是本義即此謂也楞嚴經云一一皆是清淨無漏一真無為性本然故(已上)。

取相者取是執義也[彳*句]執也塵累者煩惱也累力佳切繫也忻淨者欣通作忻愛佛功德等者法事讚云不貪淨土無生解脫障(已上)。

既以不貪淨土為解脫障貪欣淨土出離要道也愛小乘涅槃等者對大乘且名不善愛也法既本妙者一切諸法從本已來無非中道故云本妙治生等者法華玄一云一切世間治生產業皆與實相不相違背一色一香無非中道(已上)。

釋籤云資生產業意全同為資生身賈人買賣農夫耕農謂之治生產業真諦體一等者安樂集記云搜原則冥者真如緣起成淨穢故淨穢全一(已上)。

俗諦用二等者楞嚴疏二云眾土穢土以有漏識為體煩惱造業所共感故諸佛淨土以無漏智為體真如淨用之所現故經云唯有等者大集月藏經取意也凡夫智淺等者凡夫智惠淺故多依有相得往生也無相為體等者集上云知無相離念為體而緣中求往生者多應上輩生也(已上)。

知生即無生云無相為體緣者所緣境即二十九句莊嚴也求者能求心也雖解無相緣依正莊嚴事求往生故云緣中求往二諦等者集上云理雖無生然二諦道理非無緣求一切得往生也(已上)。

問真諦前不取相緣求偏在俗諦何云二諦道理非無緣求耶[前-別+合]淨土具二諦入一法句真諦理二十九句俗諦事上輩生人同解二諦而得往生故云二諦道理非無緣求願取等者集上引維摩經云菩薩亦如是為欲成就眾生故願取佛國願取佛國者非於空也(已上)。

菩薩願取佛國為成就眾生也眾生願取佛國為得往生故云非於空也矣。

群疑論下

靡墜者靡無也墜猶缺雜修者專雜二修名義如選擇集并決疑鈔万不一生者釋禮序千中無一千無一失者述禮序十即十生等問今論不釋雜修堪能機偏舉不堪機釋万不一生有何意也[前-別+合]為捨雜修令行專修偏作奪釋也此經下文者對上文之詞也今上下文連續而明其義菩薩處胎經第二云欲生阿彌陀佛國者皆染著懈怠國土不能前進生阿彌陀國億千万眾時有一人能生阿彌陀佛國何以故皆由懈怠執心不牢固(已上)。

文中一人能生者雜行堪能機一家釋百時希得一二等即此義也何以故者問也皆由下[前-別+合]也問意何故皆生懈怠不生極樂乎也[前-別+合]皆由懈怠執心不牢固故是知者知善導釋雜修不至心者符合胎經皆由懈

慢執心不牢固文故云是知彼論云正與處胎經文相當即此義也雜修之者為執心等者問雜修之者無執心牢固人乎[前-別+合]雜修之機有其二類一謂至心即生報土此是雜修執心牢固二不至心即生懈慢此是執心不牢固也問雜修有執心牢固人尠者何云雜修者執心不牢固乎[前-別+合]雜修執心牢固人少執心不牢固之者多故約多分云雜修者執心不牢固也雜修不至心有二類一生懈慢二留生死今留生死人不論之也雜修不至心義具如決疑鈔直牒懈慢者懈怠也慢怠也慢與慢同師資者師弟義也韻府引老子云善人者不善人之師不善人者善人之資故曰師資矣指南者示方處義也此論第二卷等者論意云攝論云唯願別時意今淨土論明五念中身業禮拜口業念佛意業觀察三念門行作願迴向二念門願願行具足決定往生豈是別時意乎如是會釋破他師謬練磨別義也若約父子相符義感師意可五念皆起行也五正行者前後五正行詞指五念門也符合相傳旨者指下所引辨師義也又高祖上人云等者上廢餘者廢一切行唯立一行今空師義五念一行三昧具德一往言表而似有異故置又隔再往造著一行之上五念門故念佛之外非有五念故云亦同千福禪林吉水等者感師三昧發得論七云學念佛定令聲不絕遂得三昧見佛聖眾映然常在目前諸修學者唯須勵聲念佛三昧易成子若不信請試學矣觀師三昧發得十因云予為知先賢獨在閑室勵聲念佛即得一心敢以不亂誠聖言不墮地行者可仰信(已上)。

空師三昧發得如上人傳第七卷夢定親聞者上人夢中相羨義也光明千福師資者問大師所造五部中禮讚放光顯瑞然此別紙不釋禮讚有何意也
[前-別+合]古來傳云禮讚奧旨三心五念四修在結歸一行三昧此是不可出口外故不可題筆點故(云云)私云今此論文群疑一部七卷眼目為此文眼目故釋禮讚奧旨故釋顯今此論文全是禮讚別紙故不別釋也所以知者上云釋顯師資稟承無相違今亦云師資無異下復云師資一轍故今論云等者論第三念佛五勝中第五威力勝文也或深或淺者無相念佛名之為深口稱念佛號之為淺今此淺深是一往義再往之義如決疑鈔第一此皆等者指三文益兆載如大經鈔故力加持者論云故威力有二意一論云威力勝不名故威力勝故字承上起下之語而唯是果上威力也一今判兆載永劫故力加持故者舊也指因位行功果上利益依因行力故加持如上師資一徹已下釋今本文也韻會云轍通作徹矣金口者弘決云金口者此是如來黃金色身口業所起故云金口所說(已上)。

釋迦彌陀等者散善義云決定依行佛遣捨者即捨佛遣行者即行佛遣去處即去是名隨順佛教隨順佛意是名隨順佛願是名真佛弟子(已上)。

往生要集下

此序從初至不歸者即題目也但顯密已下是破題也言道俗者出家名道在家名俗貴賤之言通道俗也顯密等者非聖道門上極樂教行是揔句也顯密事理是別句也言指上教下云顯密教法亦指上行下云事理業因顯密事理共淨土教行也為此土入聖修顯密事理即聖道門也為往生淨土行顯密事理是淨土門中雜行也故往生諸業門云此等顯密諸大乘中皆以受持讀誦等為往生極樂業也(已上)。

頑魯者愚鈍義也頑愚也魯鈍也敢進也忍也私云者此語在五箇處皆是祖師上人語也預先也第八門有三重等者如下諸行不尔等者往生諸業門雖明諸行往生是少分也不慙懃者不委義也韻會云慙懃委曲貌諸行往生隨機欲故少分明之故云無勸初心觀行等者十信已前底下凡夫是名初心極初心機不能修行無相理觀故云不堪一者別相觀等者要集記五云問此三種觀名義如何[前-別+合]觀於佛身一一別相名別相觀觀佛揔相色身光明等名揔相觀畧觀依正二報自往生等相名雜畧觀對觀四十二重故名為雜對上揔別二相廣觀故名畧(已上)。

或依歸命想等者今此三想隨時隨人而可相替故云或依歸命想者歸依彼佛言南無者即是歸命故歸命想可三心也辨師云歸命想本尊向東行者向佛歸命也矣引接想者欲預來迎辨師云引接想本尊向西行者隨佛後成往

想矣往生想有二意一云往生想者欲生淨土別時念佛門云決定作往生想華臺聖眾來迎接想矣此文上六字往生想下八字引接想先來迎引接釋往生想故欲生義也一云往生想者生極樂後可誇快樂兼想像也辨師云故上人往生想似普觀故難及我分源空住引接想矣加之今三想次第引接想後釋往生想故已生義也一心稱念者但策稱念無他想間名為一心明種種觀者一義云結上別相等三觀言為不堪觀念機示歸命想等故知種種觀者上別相等三觀也一義云明種種觀者通下稱念既一心稱念下結明種種觀知稱念亦屬觀但至不堪觀念文者凡觀之言所望不同不堪別相等三種觀故云不堪稱名意地三想云觀有何妨乎觀念法門云想念阿彌陀佛等即其證也行住座臥語默作作者此辭在止觀二四威儀加語默是云六作辨師云語默念佛者對他談時我出聲間心中不忘云語念佛他人語時我不出聲口中稱念云默念佛語約自身出聲默約我不出聲作作者通一切所作也常以此念在[月*旬]中者作者本意唯在稱念故云在[月*旬]今云常以下云常存所言常者即無間義此指四修中無間修往生最要出離秘術寤寐莫忘者將睡眠宜唱佛名稱名眠人夢見勝相亦心念矣上諸門者要集上云摠有十門分為三卷一馱離穢土二欣求淨土三極樂證據四正修念佛五助念方法六別[目*寺]念佛七念佛利益八念佛證據九往生諸業十問[前-別+合]料簡(已上)。

馱離有七者六道及摠結欣求有十者聖眾來迎等十樂證據有二者一對十方勸西方二對兜率勸西方正修有五者禮拜等五念門助念有七者一方處供具二修行相貌三對治懈怠四止惡修善五懺悔眾罪六對治魔事七摠結要行大菩提心等者摠結要行而有七法一菩提心二護三業三深信四至誠心五常無間六念佛正業七迴向心大菩提心大乘網要故三輩通說菩提心要集上引安樂集云大經云凡欲往生淨土要須發菩提心為源(云云)以斯義故為往生要護三業者觀佛三昧經說持戒助念佛行故以持戒為往生要十重四十八輕者如梵網經問觀察中等者上所引想相別相雜畧等觀謂之觀念行住座臥語默作作謂之稱念助念意者助謂能助念謂所助上七法中第六念佛所助正業其餘六法能助助業故云助念問念佛等者今問云念佛自滅罪何必持戒[前-別+合]云一心念如所責斯乃於七法中除持戒證也爰以祖師上人云如說念佛不必可具持戒等矣所言持戒等者等取菩提心何以得知作願門云大菩提心雖有異說欣淨土之願九品皆應具矣此是除菩提心證也問於七法中以稱名為正者三心無間亦可除之乎[前-別+合]不然三心無間念佛安心作業故必可具之一占察經者於十文中下九文局彌陀今此文摠通諸佛靈芝彌陀經義疏引此文畢云餘諸佛名聞持尚亦况我彌陀有本誓乎矣要集云如上觀察者觀於地藏菩薩法身及諸佛法身與己自身平等無二不生不滅常樂我淨功德圓滿(已上)。

此是無相念佛也此集之意念佛語通有相無相有相為正傍通無相四觀經云等者第四六七八畧文也集下云四觀經云極重惡人無他方便唯稱念佛得生極樂矣要集記云問經無此文[前-別+合]是取意文最叶經旨有說云後一條御宇出離無疑往生指掌肝要明文可擇進之由勅諸宗之處異處同心而各進此文誠有所以哉(已上)。

八般舟經云等者觀念法門引般舟三昧經云問持何法得生此國阿彌陀佛報言欲來生者當念我名莫有休息即得來生(已上)。

斯乃稱念也但作者所覽本參差集云八般舟經云阿彌陀佛言欲來生我國者當念我等矣今師意通觀念歟唯說念我不說念我名故此中觀經下下品等者要集記云問於十文中二三四六七八九文唯念名號何限觀經下下小經鼓音聲經云念名號[前-別+合]實可然但此三文外諸師異解文但云念無名號言故且除之若依光明大師之意第五文證唯在觀念往生論文可通觀稱讚歎故其餘亡文一向稱名(已上)。

其餘行法因明等者正依三經傍依經說諸行往生名為因明諸行功能普而因明往生利故言直辨者正依三經傍依經說念佛往生名為直辨安養正因佛本願故復次眾生等者修行信心分文也初學是法者真如三昧也當知已

下為不堪真如三昧機正明念佛往生因緣斯乃今所用也契經多以等者問乍引論文何云契經多以念佛為往生要乎[前-別+合]上難諸經所說隨機為通此難引理盡論今論通依百億部經故從本說名曰契經言四依者雖有三說今依一說初依地前第二依是初二三地第三依即四五六地第四依七八九十地馬鳴論主八地菩薩故云四依言理盡者理謂道理盡謂窮盡即是道理窮盡義也彌陀自說行即文云者此下云念佛自說言當念我名號是不正本云佛自既言當念我乎即正本也諸行如來隨機佛說者經藏隨機有設教故念佛四依理盡論說者論藏正依法相說實義故俱舍論云素怛覽言因別意趣阿毘達磨依法相說(已上)。

往生階位者第十問[前-別+合]料簡門有十事中第二往生階位也問他力往生未法易得之法何云近代求者千万得者無一二[前-別+合]集無實行者名為千万近代實行設雖千万而無一失故禮讚云十即十生百即百生設雖凡下三心易具往生何難斯乃為勸安心舉無實者也信心不深若存若亡等者問其相如何[前-別+合]初信弱故存亡叵定行亦軟弱如攝論云若人有信心則於善無厭次信不一故不專一行業不成就後信不續行亦廢退此三如次心弱多境時少也安樂集云信心不淳今集云信心不深淳猶深也三心者信心深信心一心心相續故名三信此三隨順彌陀名義故云相應問此

三心與至誠等三心同異如何[前-別+合]今舉信心若能具信前後二心自然具足故今三信即至誠等三心也其證不可外求云若具三心不往生者無有是處是也若欲捨專等者專謂專修即正行也雜謂雜修即雜行也若捨正行修雜行者百中一二千中五三得往生也百時者時中也言如上者等者問百即百生往生唯在稱名何指五念門乎[前-別+合]此約助正兼行之機矣。

教相樞要鈔下

寬永拾九年(壬午)正月吉日(京)五條橋通醍醐町開刊山田理兵衛

[CBETA 贊助資訊 \(http://www.cbeta.org/donation/index.php\)](http://www.cbeta.org/donation/index.php)

自 2001 年 2 月 1 日起，CBETA 帳務由「財團法人西蓮教育基金會」承辦，並成立「財團法人西蓮教育基金會」- CBETA 專戶，所有捐款至 CBETA 專戶皆為專款專用，歡迎各界捐款贊助。

您的捐款本協會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

信用卡線上捐款

本線上捐款與聯合信用卡中心合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

[前往捐款](#)

信用卡 (單次 / 定期定額) 捐款

本授權書可提供單次捐款或定期定額捐款之用途。

請於下載並填妥捐款授權書後，請傳真至 02-2383-0649，並請來電 02-2383-2182 確認。

或掛號寄至 10044 台灣台北市中正區延平南路 77 號 8 樓 R812 財團法人西蓮教育基金會收。

請在此下載 [授權書](#) (MS Word 格式)

劃撥捐款

郵政劃撥帳號：19538811

戶名：財團法人西蓮教育基金會

欲指定特殊用途者，請特別註明，我們會專款專用。

線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project.

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

[線上信用卡 / PayPal 贊助](#)

支票捐款

支票抬頭請填寫「財團法人西蓮教育基金會」。

CBETA is part of Seeland Educational projects, any donation (ex-cheques, remittance, etc.,) please entitle to "The Seeland Education Foundation".
